



周禮

三

服部文庫  
117  
180  
3



117  
180  
3



周禮卷十

司徒教官之職

大司徒之職掌建邦之土地之圖與其人民之數以佐王安擾邦國。

土地之圖若今司空郡國輿地圖

以天下土地之圖周知九州之地域廣輪之數辨其山林川澤丘陵墳衍原隰之名物。

司徒

司徒教官之職

一

大禮堂

漢大司農北海鄭玄註

皇明後學東吳葛萬訂

周猶徧也九州楊荆豫青兗雍幽冀并也輪從也積石曰山竹木曰林注瀆曰川水鍾曰澤土高曰丘大阜曰陵水崖曰墳下平日衍高平日原下濕曰隰各物者十等之名與所生之物○雍於用反從子容反

而辨其邦國都鄙之數制其畿疆而溝封之設其社稷之壇而樹之田主各以其野之所宜木遂以名其社與其野

千里曰畿疆徧界也春秋傳曰吾子疆理天下溝穿地為阻固也封起土界也社稷后土及田正之神壇壇與塚埒也田主田神后土田正之所依也詩人謂之田祖所宜木謂若松柏栗也若以松為社者則名松社之野以別方面○墳維癸反別彼列反

以土會之灋辨五地之物生一曰山林其動物宜毛物其植物宜阜物其民毛而方二曰川澤其動物宜鱗物其植物宜膏物其民

黑而津三曰丘陵其動物宜羽物其植物宜覈物其民專而長四曰墳衍其動物宜介物其植物宜莢物其民皙而瘠五曰原隰其動物宜羸物其植物宜叢物其民豐肉而庠

會計也以土計貢稅之法因別此五者也毛物貂狐貉貉之屬縟毛者也鱗物魚龍之屬津潤也羽物翟雉之屬核物李梅之屬專園也介物龜鼈之屬水居陸生者莢物薺莢王棘之屬皙白也瘠臞也羸物虎豹貉獾之屬淺毛者叢物桂葦之屬豐猶厚也庠猶短也杜子春讀生為性鄭司農云植物根生之屬阜物柞栗之屬今時謂柞實為阜丰膏物謂楊柳之屬理致且白如膏玄謂膏當為麩字之誤也蓮莢之實有麩韜○阜本作皂專徒九反注同莢古協反羸力果反庠音婢貂音彫貉吐官反貉胡洛反臞其俱反貉音毗獾勑宜反桂音九柞子洛反致直記反麩古毛反莢音儉

因此五物者民之常而施十有二教焉一曰以祀禮教敬則民不

時崇禎本作世  
獾

苟二曰以陽禮教讓。則民不爭。三曰以陰禮教親。則民不怨。四曰以樂禮教和。則民不乖。五曰以儀辨等。則民不越。六曰以俗教安。則民不偷。七曰以刑教中。則民不越。八曰以誓教恤。則民不怠。九曰以度教節。則民知足。十曰以世事教能。則民不失職。十有一曰以賢制爵。則民慎德。十有二曰以庸制祿。則民興功。

陽禮謂鄉射飲酒之禮也。陰禮謂男女之禮。昏姻以時。則男不曠。女不怨。儀謂君南面。臣北面。父坐子伏之屬。俗謂土地所生習也。偷謂朝不謀夕。恤謂災危相憂。民有凶患憂之。則民不解怠。度謂宮室車服之制。世事謂士農工商之事。少而習焉。其心安焉。因教以能。不易其業。慎德謂矜其善德。勸為善也。庸功也。爵以顯賢。祿以賞功。故書儀或為義。杜子春讀為儀。謂九儀。○越薄報反。解佳。賣反。少詩照反。

父坐之疏曰易緯訖鑿度文

少而至安為齊語文

以土宜之瀆。辨十有二土之名物。以相民宅。而知其利害。以阜人民。以蕃鳥獸。以毓草木。以任土事。

十二土分野十二邦。上繫十二次。各有所宜也。相。占視也。阜。猶盛也。蕃。蕃息也。育。生也。任。謂就地所生。因民所能。○相息亮反。分扶。問反。

辨十有二壤之物。而知其種。以教稼穡樹藝。

壤。亦土也。變言耳。以萬物自生焉。則言土。土猶吐也。以人所耕而樹藝焉。則言壤。壤和緩之貌。詩云。樹之榛栗。又曰。我藝黍稷。藝。猶蒔也。○種。章勇反。蒔。時至反。

以土均之瀆。辨五物九等。制天下之地。征以作民職。以令地貢。以斂財賦。以均齊天下之政。

九等州人職  
九職九職太宰

均平也。五物、五地之物也。九等、駢剛赤緹之屬。征、統也。民職、民九職也。地貢、貢地所生。謂九穀、財、謂泉穀、賦、謂九賦。及軍賦。○駢、雖營反。緹、音低。

以土圭之灋測土深。正日景以求地中。日南則景短多暑。日北則

景長多寒。日東則景夕多風。日西則景朝多陰。

土圭所以制四時日月之景也。云測猶度也。不知廣狹故曰測。故書求為救。杜子春云為求。鄭司農云測土深謂南北東西之深也。日南謂立表處大南近日也。日北謂立表處大北遠日也。景夕謂日跌景乃中立表之處大東近日也。景朝謂日未中而景中立表處大西遠日也。玄謂晝漏半而置土圭表陰陽審其南北。景短于土圭謂之日南是地于日為近南也。景長于土圭謂之日北是地于日為近北也。東于土圭謂之日東是地於日為近東也。西于土圭謂之日西是地于日為近西也。如是則寒暑陰風偏而不和。是未得其所求。凡日景于地千里而差一寸。○淡反。鵠反。度待洛反。跌待結反。

尺

日至之景。尺有五寸。謂之地中。天地之所合也。四時之所交也。風雨之所會也。陰陽之所和也。然則百物阜安。乃建王國焉。制其畿方千里而封樹之。

景尺有五寸者。南戴日下萬五千里。地與星辰四遊升降於三萬里之中。是以半之得地之中也。畿方千里。取象于日。一寸為正樹。樹木溝上。所以表助阻固也。鄭司農云。土圭之長尺有五寸。以夏至之日立八尺之表。其景適與土圭等。謂之地中。今潁川陽城地為然。

凡建邦國。以土圭土其地。而制其域。諸公之地。封疆方五百里。其食者半。諸侯之地。封疆方四百里。其食者參之一。諸伯之地。封疆方三百里。其食者參之一。諸子之地。封疆方二百里。其食者四之

亦參但

一諸男之地封疆方百里其食者四之一

土其地猶言度其用鄭司農云土其地惟為正四方耳其食者半公所食租稅得其半耳其半皆附庸小國也屬天子季之一者委然故魯頌曰錫之山川土地附庸奄有龜蒙遂荒大東至于海邦論語曰季氏將伐顓臾孔子曰先王以為東蒙主且在邦域之中是社稷之臣此非七十里所能容然則方五百里四百里合于魯頌論語之言諸男食者四之一適方五十里獨此與今五經家說合耳玄謂其食者半參之一四之一者土均均邦國地貢輕重之等其率之也公之地以一易侯伯之地以再易子男之地以三易必足其國禮俗喪紀祭祀之用乃貢其餘若今度支經用餘為司農穀矣大國貢重正之也小國貢輕字之也凡諸侯為牧正帥長及有德者乃有附庸為其有祿者當取焉公無附庸侯附庸九同伯附庸七同子附庸五同男附庸三同進則取焉退則歸焉魯于周法不得有附庸故言錫之也地方七百里者包附庸以大言之也附庸二十四言得兼此四等矣○疆居良反率音律又音類正之音征為其干偽反

凡造都鄙制其地域而封溝之以其室數制之不易之地家百畝

一易之地家二百畝再易之地家三百畝

都鄙王子弟公卿大夫采地其界曰都鄙所居也王制曰天子之縣內方百里之國九七十里之國二十有一五十里之國六十有三此蓋夏時采地之數周未聞矣春秋傳曰遷鄭焉而鄙留城郭之宅曰室詩云嗟我婦子曰為改歲入此室處以其室數制之謂制丘甸之屬王制曰凡居民量地以制邑度地以居民地邑民居必參相得鄭司農云不易之地族種之地美故家百畝一易之地休一歲乃復種地薄故家二百畝再易之地休二歲乃復種故家三百畝○畝本亦作古畝字復扶又反

乃分地職奠地守制地貢而頒職事焉以為地灋而待政令

分地職分其九職所宜也定地守謂衡麓虞侯之屬制地貢謂九職所稅也頒職事者分命使各為其所職之事○奠劉音定

以荒政十有二聚萬民一曰散利二曰薄征三曰緩刑四曰弛力

周禮

卷十 司徒教官之職

五

承襲堂

公羊桓十一年傳

郭錫曰青与省同

若公三左襄九年

產子以下城語御大夫戰國中七尺野自六尺皆不從征

五曰舍禁。六曰去幾。七曰青禮。八曰殺哀。九曰蕃樂。十曰多昏。十一曰索鬼神。十有二曰除盜賊。

荒凶年也。鄭司農云。救飢之政。十有二品。散利貸種食也。薄征輕租稅也。弛力息繇役也。去幾。關市不幾也。青禮。掌客職所謂凶荒殺禮者也。多昏。不備禮而娶昏者多也。索鬼神。求廢祀而脩之。雲漢之詩所謂靡神不舉。靡愛斯牲者也。除盜賊。急其刑以除之。飢饉則盜賊多。不可不除也。杜子春讀蕃樂為蕃樂。謂閉藏樂器而不作。玄謂去幾。去其稅耳。舍禁。若公無禁利。青禮謂殺吉禮也。殺哀謂省凶禮。弛式氏反。舍音捨。殺所界反。蕃方袁反。

以保息。六曰養萬民。一曰慈幼。二曰養老。三曰振窮。四曰恤貧。五曰寬疾。六曰安富。

保息。謂安之使蕃息也。慈幼。謂愛幼少也。產子三人與之母。二人與之餼。十四以下不從征。養老。七十養於鄉。五十異糶之屬。

振窮。拊救天民之窮者也。窮者有四。曰矜。曰寡。曰孤。曰獨。恤貧。貧無財業。寡貸之。寬疾。若今癰。不可事。不算。卒。可事者半之也。安富。平其繇役不專取。少詩照反。拊音。拯救音救。矜古頑反。癰音隆。卒子忽反。

以本俗。六曰安萬民。一曰燬宮室。二曰族墳墓。三曰聯兄弟。四曰聯師儒。五曰聯朋友。六曰同衣服。

本。猶舊也。美善也。謂約。極攻。堅。風雨攸除。各有攸宇。族。猶類也。同宗者生相近。族相迫。連。猶合也。兄弟。昏姻嫁娶也。師儒。鄉里。教以道藝者。同師曰朋。同志曰友。同。猶齊也。民。雖有富者。衣服不得獨異。燬音美。塚陟角反。

正月之吉。始和。布教于邦國都鄙。乃縣教象之灋于象魏。使萬民觀教象。挾日而斂之。乃施教灋于邦國都鄙。使之各以教其所治民。

周禮

卷十 司徒敘官之職

承襲

正月之吉周正月朔日也司徒以布五教至正歲又書教法而縣焉○縣音玄

令五家為比使之相保五比為閭使之相受四閭為族使之相葬

五族為黨使之相救五黨為州使之相賙五州為鄉使之相賓

此所以勸民者也使之者皆謂立其長而教令使之保猶任也救救凶災也賓賓客其賢者故書受為授杜子春云當為受謂民移徙所到則受之所去則出之又云賙當為糾謂糾其惡玄謂受者宅舍有故相受寄託也賙者謂禮物不備相給足也閭二十五家族百家黨五百家州二千五百家鄉萬二千五百家○比毗志反賙音周足劉子瑜反

頒職事十有二于邦國都鄙使以登萬民一曰稼穡二曰樹藝三

曰作材四曰阜蕃五曰飭材六曰通財七曰化材八曰斂材九曰

生材十曰學藝十有一曰世事十有二曰服事

鄭司農云稼穡謂三農生九穀也樹藝謂園圃毓草木作材謂虞衡作山澤之材阜蕃謂藪牧養蕃鳥獸飭材謂百王飭化八材通財謂商賈阜通貨賄化材謂嬪婦化洽絲枲斂財謂臣妾聚斂疏材生材謂間民無常職轉移執事學藝謂學道藝世事謂以世事教能則民不失職服事謂為公家服事者玄謂生材養竹木者○賈音古間音閑

以鄉三物教萬民而賓興之一曰六德知仁聖義忠和二曰六行

孝友睦婣任恤三曰六藝禮樂射御書數

物猶事也興猶舉也民三事教成鄉大夫舉其賢者能者以飲酒之禮賓客之既則獻其書於王矣知明於事仁愛人以及物聖通而先識義能斷時宜忠言以中心和不柔善於父母為孝善於兄弟為友睦親於九族姻親於外親任信於友道恤振憂貧者禮五禮之義樂六樂之歌舞射五射之法御五御之節書六書之品數九數之計

以鄉八刑糾萬民一曰不孝之刑二曰不睦之刑三曰不婣之刑

按之義義疏改作之儀儀是然諸本比自作義



亂名以下王制

四曰不弟之刑。五曰不任之刑。六曰不恤之刑。七曰造言之刑。八曰亂民之刑。

糾猶剖察也。不弟不敬師長造言訛言惑眾亂民亂名改作執左道以亂政也。鄭司農云任謂朋友相任恤謂相憂。

以五禮防萬民之偽而教之中。

禮所以節正民之侈偽使其行得中。鄭司農云五禮謂吉凶賓軍嘉

以六樂防萬民之情而教之和。

樂所以蕩正民之情思使其心應和也。鄭司農云六樂謂雲門咸池大韶大夏大濩大武。○思悉吏反濩音護

凡萬民之不服教而有獄訟者與有地治者聽而斷之其附于刑者歸于士。

共  
春秋傳僖二十八年左傳

不服教不厭服於十二教貪冒者也爭罪曰獄爭財曰訟有地治者謂鄉州及治都鄙者也附麗也士司寇士師之屬鄭司農云與有地治者聽而斷之與其地部界所屬吏其聽斷之士謂主斷刑之官春秋傳曰士榮為大士或謂歸于圜士圜士謂獄也獄城圜。○斷丁亂反厭於涉反

祀五帝奉牛牲羞其肆。

牛能任載地類也奉猶進也鄭司農云羞進也肆陳骨體也玄謂進所肆解骨體士喪禮曰肆解去蹄。○肆託歷反注肆解肆去同司農音四注肆陳同

享先王亦如之。

大賓客令野修道委積。

令令遺人使為之也少曰委多曰積皆所以給賓客

甸禮

卷十 司徒教官之職

八

承襲堂

項安世曰引在車所引車  
緋在柩所以別柩

大喪帥六鄉之衆庶屬其六引而治其政令

衆庶所致役也鄭司農云六引謂引喪車索也六鄉主六引六遂主六緋○引如字又音亂緋音弗

大軍旅大田役以旗致萬民而治其徒庶之政令

旗畫熊虎者也徵衆刻日樹旗期於其下

若國有大故則致萬民於王門令無節者不行於天下

大故謂王崩及寇兵也節六節有節乃得行防姦私

大荒大札則令邦國移民通財舍禁弛力薄征緩刑

大荒大凶年也大札大疫病也移民辟災就賤其有守不可移者則輸之穀春秋定五年夏歸粟於蔡是也○札側八反

歲終則令教官正治而致事

歲終自周季冬也教官其屬六十正治明處其文書致事上其計簿○上時掌反

正歲令于教官曰各共爾職修乃事以聽王命其有不正則國有

常刑

正歲夏正月朔日

周禮卷十終

周禮

卷十 司徒教官之職

卷十



乃頒比灋於六鄉之大夫使各登其鄉之眾寡六畜車輦辨其物以歲時入其數以施政教行徵令

登成也成猶定也眾寡民之多少物家中之財歲時入其數若今四時言事○畜許又反後六畜皆同

及三年則大比大比則受邦國之比要

大比謂使天下更簡閱民數及其財物也受邦國之比要則亦受鄉遂矣鄭司農云五家為比故以比為名今時八月案比是也要謂其簿

乃會萬民之卒伍而用之五人為伍五伍為兩四兩為卒五卒為旅五旅為師五師為軍以起軍旅以作田役以比追胥以令貢賦

用謂使民事之伍兩卒旅師軍皆眾之名兩二十五人卒百人旅五百人師二千五百人軍萬二千五百人此皆先王所因農

事而定軍令者也欲其恩足相恤義足相救服容相別音聲相識作為也役功力之事追逐寇也春秋莊十八年夏公追戎于濟西胥伺捕盜賊也貢嬪婦百工之物賦九賦也鄉之田制與遂同○別彼列反

乃均土地以稽其人民而周知其數上地家七人可任也者家三人中地家六人可任也者二家五人下地家五人可任也者家二人

均平也周猶徧也一家男女七人以上則授之以上地所養者眾也男女五人以下則授之以下地所養者寡也正以七人六人五人為率者有夫有婦然後為家自二人以至十為九等七六五者為其中可任謂丁強任力役之事者出老者一人其餘男女強弱相半其大數○以上時掌反

凡起徒役毋過家一人以其餘為羨唯田與追胥竭作

鄭司農云美饒也田謂獵也追追寇賊也竭作盡行○母音無

者凡用衆庶則掌其政教與其戒禁聽其辭訟施其賞罰誅其犯命

命所以誓告之

凡國之大事致民大故致餘子

大事謂戎事也大故謂災寇也鄭司農云國有大事當徵召會聚百姓則小司徒召聚之餘子謂羨也玄謂餘子卿大夫之子當守於王宮者也

乃經土地而井牧其田野九夫為井四井為邑四邑為丘四丘為甸四甸為縣四縣為都以任地事而令貢賦凡稅斂之事

滕文公篇

左襄二十五年

夏少康左哀元年

衷甸左哀十七年

此謂造都鄙也采地制井田異於鄉遂重立國小司徒為經之立其五溝五塗之界其制似井之字因取各焉孟子曰夫仁政必自經界始經界不正井地不均穀祿不平是故暴君姦吏必慢其經界經界既正分田制祿可坐而定也鄭司農云井牧者春秋傳所謂井衍沃牧隰臯者也玄謂隰臯之地九夫為牧二牧而當一井今造都鄙授民田有不易有一易有再易通率二而當一是一謂井牧昔夏少康在虞思有田一成有衆一旅一旅之衆而田一成則井牧之法先古然矣九夫為井者方一里九夫所治之田也此制小司徒經之匠人為之溝洫相包乃成耳邑丘之屬相連比以出田稅溝洫為除水害四井為邑方二里四邑為丘方四里四丘為甸甸之言乘也讀如衷甸之甸甸方八里旁加一里則方十里為一成積百井九百夫其中六十四井五百七十六夫出田稅三十六井三百二十四夫治洫四甸為縣方二十里四縣為都方四十里四都方八十里旁加十里乃得方百里為一同也積萬井九萬夫其四千九百六十三萬六千八百六十四夫出田稅二千三百四井一萬七百三十六夫治洫三千六百井三萬二千四百夫治澮井田之法備於一同今止於都者采地食者皆四之一其制三等百里之國凡

司農

卷七 司徒教官之職

三

永懷堂

乃分地域而辨其守施其職而平其政。

四都一都之田稅入於王五十里之國凡四縣一縣之田稅入於王二十五里之國凡四甸一甸之田稅入於王地事謂農牧衡虞也貢謂九穀山澤之材也賦謂出車徒給繇役也司馬法曰六尺為步步百為晦晦百為夫夫三為屋屋三為井井十為通通為匹馬三十家士一人徒二人通十為成成百井三百家革車一乘士十人徒二十人十成為終終千井三千家革車十乘士百人徒二百人十終為同同方百里萬井三萬家革車百乘士十人徒三千人○甸繩證反出注注同夫仁音扶少康詩照反沍涼逼反為除于偽反乘繩證反下同澮古外反

分地域謂建邦國造都鄙制鄉遂也辨其守謂衡虞之屬職謂九職也政稅也政當作征故書域為邦杜子春云當為域○政征音

凡小祭祀奉牛牲羞其肆。

小祭祀王玄冕所祭○肆託歷反

小賓客令野修道委積。

小賓客諸侯之使臣○使所吏反

大軍旅帥其眾庶。

帥帥而致於大司徒

小軍旅巡役治其政令。

巡役小力役之事則巡行之○行下孟反

大喪帥邦役治其政教。

喪役正棺引窆復土○窆波驗反

司豐

卷七 司徒教官之職

四

承襲堂

帥

凡建邦國立其社稷正其畿疆之封。

畿九

凡民訟以地比正之。

鄭司農云以田畔所與比正斷其訟○斷丁亂反

地訟以圖正之。

地訟爭疆界者圖謂邦國本圖

歲終則攷其屬官之治成而誅賞。

治成治事之計

令羣吏正要會而致事正歲則帥其屬而觀教灋之象狗以木鐸。

曰不用灋者國有常刑令羣吏憲禁令修灋糾職以待邦治。

憲表縣之

及大比六鄉四郊之吏平教治正政事攷夫屋及其衆寡六畜兵器以待政令。

四郊之吏吏在四郊之內主民事者夫三為屋屋三為井出地貢者三三相任

鄉師之職各掌其所治鄉之教而聽其治。

聽謂平察之

以國比之灋以時稽其夫家衆寡辨其老幼貴賤廢疾馬牛之物辨其可任者與其施舍者掌其戒令糾禁聽其獄訟。

周禮

卷上 司徒教官之職

五

永懷堂

施舍謂應復免不給錄役。○復音福

大役則帥民徒而至治其政令既役則受州里之役要以致司空之辟以逆其役事

而至至作部曲也既已也役要所遣民徒之數辟功作章程逆猶鉤考也鄭司農云辟法也○辟婢亦反

凡邦事令作秩叙

事功力之事秩常也叙猶次也事有常次則不偏價○偏鄙力反

大祭祀羞牛牲其茅菹

杜子春云菹當為菹以茅為菹若葵菹也鄭大夫讀菹為藉所祭前藉也易曰藉用白茅无咎玄謂菹士虞禮所謂苴荆茅長五寸束之者是也祝設于几東席上命佐食取黍稷祭于苴三取膚祭祭如初此所以承祭既祭蓋束而去之守施職云既祭

祈崇禎本作謂

藏其隋是與○菹子餘反藉如字下皆慈夜反荆音付而去羌呂反祧他彫反隋吁恚反

大軍旅會同正治其徒役與其輦輦戮其犯命者

輦駕馬輦入輓行所以載任器也止以為蕃營司馬法曰夏后氏謂輦曰余車殷曰胡奴車周曰輜輦輦一芥一斤一鑿一輗一鋤周輦加二版二築又曰夏后氏二十人而輦殷十八人而輦周十五人而輦故書輦作連鄭司農云連讀為輦○輦九玉反輓音晚輗里其反

大喪用役則帥其民而至遂治之

治為監督其事

及葬執纛以與匠師御匱而治役

匱字核同

匠師事官之屬其於司空若鄉師之於司徒也鄉師主役匠師主衆匠其主葬引雜記曰升正柩諸侯執紼五百人四綽皆銜

司豐

卷上

司徒教官之職

六

承襲堂

守祀賦曰既祭則藏其隋隋注部司農云隋謂神前所沃灌器名玄謂尸所祭肺脊黍稷之屬藏之以依神陸考隋許美及刘相美及秋曰垂特牲之字及曾子問皆有隋祭之事云曾子問云



左昭十二年

周禮

卷二

考

元禮堂

枚司馬執鐸左八人右八人匠人執翬以御柩天子六引禮依此云鄭司農云翬羽葆幢也爾雅曰翬翬也指麾輓柩之役正其行列進退○燾音毒匱音舊綽音弗翬音桃幢直江反行戶剛反下同

及窆執斧以涖匠師

匠師主豐碑之事執斧以涖之使戒其事故書涖作立鄭司農云窆謂葬下棺也春秋傳曰日中而塋禮記所謂封者立讀為涖涖謂臨視也○塋補鄧反封彼驗反

凡四時之田前期出田灋于州里簡其鼓鐸旗物兵器修其卒伍

田法人徒及所當有

及期以司徒之大旗致衆庶而陳之以旗物辨鄉邑而治其政令刑禁巡其前後之屯而戮其犯命者斷其爭禽之訟

司徒致衆庶者以熊虎之旗此又以之明為司徒致之大夫致衆當以鳥隼之旗陳之以旗物以表正其行列辨別異也故書巡作述屯或為臂鄭大夫讀屯為課殿杜子春讀為在後曰殿謂前後屯兵也玄謂前後屯車徒異部也今書多為屯從屯○斷丁亂反旗音餘別彼列反殿都遍反

凡四時之徵令有常者以木鐸徇於市朝

徵令有常者謂田狩及正月命修封疆二月命雷且發聲○朝直遙反

以歲時巡國及野而賙萬民之糶阨以王命施惠

歲時者隨其事之時不必四時也糶阨飢乏也鄭司農云賙讀為周急之周○糶古艱反

歲終則攷六鄉之治以詔廢置

正歲稽其鄉器比其吉凶二服閭其祭器族共喪器黨共射器州

字

周禮

卷七 司徒教官之職

七

承襲堂

共賓器。鄉共吉凶禮樂之器。

吉服者祭服也。凶服者弔服也。比長主集為之。祭器者簋、豆、盥、鼎、俎之屬。間胥主集為之。喪器者夷、槃、素、俎、楛、豆、軼、軸之屬。族師主集為之。此三者民所以相共也。射器者弓、矢、楛中之屬。黨正主集為之。為州長或時射於此黨也。賓器者尊、俎、笙、瑟之屬。州長主集為之。為鄉大夫或時賓賢能於此州也。吉器若間祭器者也。凶器若族喪器者也。禮樂之器若州黨賓射之器者。鄉大夫備集此四者。為州黨族間有故而不共也。此鄉器者。苟使相共。則民無廢事。上下相補。則禮行而教成。○楛苦轄。反軼九勇。反軸音逐。福音福。又音逼。

若國大比。則考教。察辭。稽器。展事。以詔誅賞。

考教。視賢能以知道。藝與不。察辭。視吏言事。知其情實。不展。猶整具。

周禮卷十一 終

周禮卷十二

漢大司農北海鄭玄註

皇明後學東吳葛彞訂

司徒教官之職

鄉大夫之職。各掌其鄉之政教禁令。

鄭司農云。萬二千五百家為鄉。

正月之吉。受教灋于司徒。退而頒之于其鄉吏。使各以教其所治。以攷其德行。察其道藝。

其鄉吏。州長以下。○行下孟反。

周禮

卷十一 司徒教官之職

一

承襲堂

以歲時登其夫家之衆寡辨其可任者國中自七尺以及六十野自六尺以及六十有五皆征之其舍者國中貴者賢者能者服公事者老者疾者皆舍以歲時入其書

登成也定也國中城郭中也晚賦稅而早免之以其所居復多役少野早賦稅而晚免之以其復少役多鄭司農云征之者給公上事也舍者謂有復除舍不收役事也貴者謂若今宗室及關內侯皆復也服公事者謂若今吏有復除也老者謂若今八十九十復美卒也疾者謂若今廢不可事者復之玄謂入其書者言於大司徒○復音福下同

三年則大比攷其德行道藝而興賢者能者鄉老及鄉大夫帥其吏與其衆寡以禮禮賓之

賢者有德行者能者有道藝者衆寡謂鄉人之善者無多少也鄭司農云興賢者謂若今舉孝廉興能者謂若今舉茂才賓敬

汲古閣本廢作禮是

也敬所舉賢者能者玄謂變舉言興者謂合衆而尊寵之以鄉飲酒之禮禮而賓之

厥明鄉老及鄉大夫羣吏獻賢能之書于王王再拜受之登于天府內史貳之

厥其也其賓之明日也獻猶進也王拜受之重得賢者王上其書于天府天府掌祖廟之寶藏者內史副寫其書者當詔王爵祿之時○上其時掌反藏才浪反

退而以鄉射之禮五物詢衆庶一曰和二曰容三曰主皮四曰和容五曰興舞

以用也行鄉射之禮而以五物詢于衆民鄭司農云詢謀也問于衆庶寧復有賢能者和謂閨門之內行也容謂容貌也主皮謂善射射所以觀士也故書舞爲無杜子春讀和容爲和頌謂能爲樂也無讀爲舞謂能爲六舞玄謂和載六德容包六行也

解

庶民無射禮。因田獵分禽，則有主皮。主皮者，張皮射之，無侯也。主皮和容，興舞，則六藝之射與禮樂與當射之時，民必觀焉。因詢之也。孔子射于矍相之圃，蓋觀者如堵。牆射至于司馬，使子路執弓矢，出誓射者，又使公罔之裘序點揚解而語詢衆庶之儀。若是乎。○寧復扶又反皮射食亦反。矍俱縛反。相息亮反。禪支鼓反。

此謂使民興賢，出使長之，使民興能，入使治之。

言是乃所謂使民自舉賢者，因出之而使之長民，教以德行道藝於外也。使民自舉能者，因入之而使之治民之貢賦田役之事於內也。言為政以順民為本也。書曰：天聰明自我民聰明，天明威自我民明威。老子曰：聖人無常心，以百姓心為心。如是則古今未有遺民而可為治。

歲終，則令六鄉之吏皆會政致事。

會計也，致事，言其歲盡文書。

正歲，令羣吏攷灋于司徒，以退各憲之于其所治之國。

大詢于衆庶，則各帥其鄉之衆寡而致于朝。

大詢者，詢國危詢國遷，詢立君，鄭司農云：大詢于衆庶，洪範所謂謀及庶民。

國有大故，則令民各守其閭，以待政令。

使民皆聚於閭，胥所治處。

以旌節輔令，則達之。

民雖以徵令行，其將之者無節，則不得通。

州長各掌其州之教治政令之灋。

鄭司農云：二千五百家為州。論語曰：雖州里行乎哉。春秋傳曰：鄉取一人焉，以歸，謂之夏州。

同禮

卷三 司徒教官之職

三

承慶堂

非 今按賈疏以之教為句

宣十一年

正月之吉。各屬其州之民而讀灋。以攷其德行道藝而勸之。以糾其過惡而戒之。

屬猶合也。聚也。因聚眾而勸戒之者。欲其善。屬音燭。

若以歲時祭祀州社。則屬其民而讀灋亦如之。春秋以禮會民而射于州序。

序州黨之學也。會民而射所以正其志也。射儀曰射之為言釋也。釋者各釋已之志。

凡州之大祭祀大喪皆蒞其事。

大祭祀謂州社稷也。大喪鄉老鄉大夫于是卒者也。蒞臨也。

若國作民而師田行役之事。則帥而致之。掌其戒令。與其賞罰。

致之致之于司徒也。掌其戒令賞罰。則是於軍因為師帥。

歲終則會其州之政令。正歲則讀教灋如初。

雖以正月讀之。至正歲猶復讀之。因此四時之正重申之。

三年大比。則大攷州里。以贊鄉大夫廢興。

廢興所廢退所興進也。鄭司農云贊助也。

黨正各掌其黨之政令教治。

鄭司農云。五百家為黨。論語曰。孔子于鄉黨。又曰。闕黨童子。

及四時之孟月吉日。則屬民而讀邦灋以糾戒之。

以四孟之月朔日讀灋者。彌親民者。於教亦彌數。數所角反。

春秋祭崇亦如之。

崇謂雩祭水旱之神蓋亦為壇位如祭社稷云○崇榮敬反

國索鬼神而祭祀則以禮屬民而飲酒于序以正齒位一命齒于鄉里再命齒于父族三命而不齒

國索鬼神而祭祀謂歲十二月大蜡之時建亥之月也正齒位者鄉飲酒義所謂六十者坐五十者立侍六十者三豆七十者四豆八十者五豆九十者六豆是也必正之者為民三時務農將闕於禮至此農隙而教之尊長養老見孝悌之道也黨正飲酒禮亡以此事屬於鄉飲酒之義微失少矣凡射飲酒此鄉民雖為卿大夫必來觀禮鄉飲酒鄉射記大夫樂作不入凡既旅不入是也齒于鄉里者以年與眾賓相次也齒于父族者父族有為賓者以年與之相次異姓雖有老者居于其上齒者席于尊東所謂遵○蜡仕詐反依字作禱為于偽反

凡其黨之祭祀喪紀昏冠飲酒教其禮事掌其戒禁

其黨之民○冠古亂反

凡作民而師田行役則以其灋治其政事

亦於軍因為旅帥

歲終則會其黨政帥其吏而致事

正歲屬民讀灋而書其德行道藝

書記之

以歲時涖校比

涖臨也鄭司農云校比族師職所謂以時屬民而校登其族之夫家眾寡辨其貴賤老幼廢疾可任者及其六畜車贖如今小

司農

卷三司徒教官之職

五

示懷堂

案

及大比亦如之。

族師各掌其族之戒令政事。

政事邦政之事鄭司農云百家為族

月吉則屬民而讀邦灋書其孝弟睦姻有學者。

月吉每月朔日也故書上句或無事字杜子春云當為正月吉書亦或為戒令政事月吉則屬民而讀邦灋

春秋祭酺亦如之。

酺者為人物裁害之神也故書酺或為步杜子春云當為酺玄謂投人職又有冬祭馬步則未知此世所云蠶螟之酺與人鬼之步與蓋亦為壇位如雩祭云族長無飲酒之禮因祭酺而與其民以長幼相獻酬焉○酺音步按戶斂反蠶悅全反螟覓經

反榮榮  
敬反

以邦比之灋帥四閭之吏以時屬民而按登其族之夫家眾寡辨其貴賤老幼廢疾可任者及其六畜車輦

按疏而按為句義疏以按登字句依例登字屬下為是義則共同

登成也定也

五家為比十家為聯五人為伍十人為聯四閭為族八閭為聯使之相保相受刑罰慶賞相及相共以受邦職以役國事以相葬埋

相共猶相救相調

若作民而師田行役則合其卒伍簡其兵器以鼓鐸旗物帥而至掌其治令戒禁刑罰

司農

司徒教官之職

六

承復堂

正義似以相及為句在於文不順當相及相共為句

亦於軍因  
為卒長

歲終則會政致事

閭胥各掌其閭之徵令

鄭司農云二  
十五家為閭

以歲時各數其閭之眾寡辨其施舍凡春秋之祭祀役政喪紀之數聚眾庶既比則讀灋書其敬敏任恤者

祭祀謂州社黨禴族酺也役田役也政若州射黨飲酒也喪紀大喪之事也四者及比皆會聚眾民因以讀灋以勅戒之故書既為暨杜子春讀政為征暨為既

凡事掌其比釡撻罰之事

釡撻者失禮之罰也釡用酒其爵兕角為之撻扑也故書或言釡撻之罰事杜子春云當言釡撻罰之事○釡古橫反扑音卜反

比長各掌其比之治五家相受相和親有臯奇裘則相及

裘猶惡也○臯本亦作罪裘似嗟反

徙于國中及郊則從而授之

徙謂不使其居也或國中之民出徙郊或郊民入徙國中皆從而付所處之吏明無罪惡

若徙于他則為之旌節而行之

徙于他謂出居異鄉也授之者有節乃達

若無授無節則唯園土內之

司書

司徒教官之職

七

永懷堂



鄉中無後出鄉無節過所則呵問繫之園土考辟之也園土者獄城也獄必園者規主仁以仁心求其情古之治獄閱于出之

封人掌設王之社壇為畿封而樹之

壇謂壇及塤塚也畿上有封若今時界矣不言稷者稷社之細也

封國建諸侯立其國之封

凡封國設其社稷之壇封其四疆

造都邑之封域者亦如之

令社稷之職

將祭之時令諸有職事於社稷者也郊特牲曰唯為社事單出里唯為社田國人畢作唯為社丘乘共粢盛所以報本反始也○為于偽反下同

音丹乘繩證反

凡祭祀飾其牛牲設其楅衡置其絃共其水彙

節謂刷治潔清之也鄭司農云楅衡所以楅持牛也絃著牛鼻繩所以牽牛者今時謂之雉與古者名同皆謂夕牲時也杜子春云楅衡所以持牛今不得抵觸人玄謂楅設于角衡設于鼻如楅狀也水彙給殺時洗薦牲也絃字當以豸為聲○楅音福絃本又作紉持忍反彙古老反着直略反令力呈反根音加豸直抵反

歌舞牲及毛炮之豚

謂君牽牲入時隨歌舞之言其肥香以歆神也毛炮豚者燂去其毛而炮之以備八珍鄭司農云封人主歌舞其牲云博碩肥膾○炮薄交反燂似鹽反去起呂反膾徒忍反

凡喪紀賓客軍旅大盟則飾其牛牲

大盟會同之盟

博碩三左桓六年  
忽

鼓人掌教六鼓四金之音聲以節聲樂以和軍旅以正田役

音聲五聲  
合和者

教為鼓而辨其聲用

教為鼓教擊鼓者大小之數又  
別其聲所用之事○別彼列反

以雷鼓鼓神祀

雷鼓八面鼓也  
神祀祀天神也

以靈鼓鼓社祭

靈鼓六面鼓也  
社祭祭地祇也

以路鼓鼓鬼享

如其謂置其於其水裏

路鼓四面鼓也  
鬼享享宗廟也

以鼗鼓鼓軍事

大鼓謂之鼗鼗鼓長  
八尺○鼗扶云反

以鼙鼓鼓役事

鼙鼓長丈二  
尺○鼙音羔

以晉鼓鼓金奏

晉鼓長六尺六寸金  
奏謂樂作擊編鐘

以金錞和鼓

錞錞于也圓如碓頭大上小下樂作  
鳴之與鼓相和○錞音淳碓音對

樂二司徒教官之職

以金鐻節鼓。

鐻鉦也。形如小鍾。軍行鳴之以為鼓節。司馬職曰：軍行鳴鐻。○鐻直角反。鉦音征。

以金鏡止鼓。

鏡如鈴。無舌。有秉。執而鳴之以止擊鼓。司馬職曰：鳴鏡且卻。○鏡女交反。卻起略反。

以金鐸通鼓。

鐸大鈴也。振之以通鼓。司馬職曰：司馬振鐸。○鈴音零。

凡祭祀百物之神。鼓兵舞。帔舞者。

兵謂于戚也。帔列五采繒為之。有秉皆舞者所執。○帔音佛。劉音弗。

凡軍旅。夜鼓鼙。

鼙夜戒守鼓也。司馬灋曰：昏鼓四通為大鼙。夜半三通為晨戒。旦明五通為發响。○鼙千歷反。响本又作响。亦作煦。休具反。

軍動則鼓其衆。

田役亦如之。

救日月。則詔王鼓。

救日月食。王必親擊鼓者。聲大異。春秋傳曰：非日月之眚不鼓。

大喪。則詔大僕鼓。

始崩及突時也。此大僕職文。

舞帥。掌教兵舞。帥而舞山川之祭祀。教帔舞。帥而舞社稷之祭祀。

周禮

卷十一 司徒教官之職

十

承懷堂

莊二十五年左傳

教羽舞帥而舞四方之祭祀。教皇舞帥而舞早暵之事。

羽，析白羽為之，形如帟也。四方之祭祀，謂四望也。早暵之事，謂雩也。暵，熱氣也。鄭司農云：皇舞，蒙羽舞，書或為望，或為義。玄謂皇，析五采羽為之，亦如帟。○曠，呼但反。望音皇。

凡野舞則皆教之。

野舞，謂野人欲學舞者。

凡小祭祀則不與舞。

小祭祀，王玄冕所祭者，與猶作也。

周禮卷十二 終

周禮卷十三

漢大司農北海鄭玄註

皇明 後學東吳金蟠訂

司徒教官之職

牧人掌牧六牲而阜蕃其物以共祭祀之牲牷。

六牲，謂牛馬羊豕犬雞。鄭司農云：牲，純也。玄謂牲，體完具。○牲音全。

凡陽祀用騂牲毛之。陰祀用黝牲毛之。望祀各以其方之色牲毛之。

騂牲，色赤毛之，取純毛也。陰祀，祭地北郊及社稷也。望祀，五嶽四鎮四瀆也。鄭司農云：陽祀，春夏也。黝，讀為幽，幽黑也。玄謂陽

祀祭天於南郊及宗廟。○黜于糾反。

凡時祀之牲必用牲物。

時祀四時所常祀謂山川以下至四方百物。

凡外祭毀事用虋可也。

外祭謂表貉及王行所過山川用事者故書毀為虋虋作虋杜子春云虋當為毀虋當為虋虋謂雜色不純毀謂副辜候禳毀除殃咎之屬。○虋亡江反貉莫霸反虋。○與福同。丘例反副並逼反辜音孤禳如羊反。

凡祭祀共其犧牲以授充人繫之。

犧牲毛羽完具也授充人者當殊養之周景王時賓起見雉雞自斷其尾曰雞憚其為犧。

凡牲不繫者共奉之。

左昭二十二年

謂非時而祭祀者。

牛人掌養國之公牛以待國之政令。

公猶官也。

凡祭祀共其享牛求牛以授職人而芻之。

鄭司農云享牛前祭一日之牛也求牛禱於鬼神祈求福之牛也玄謂享獻也獻神之牛謂所以祭者也求終也終事之牛謂所以釋者也宗廟有釋者孝子求神非一處職讀為檝檝謂之杙可以繫牛檝人者謂牧人充人與芻牲之芻牛人擇於公牛之中而以授養之。○職之式反注檝同杙餘式反。

凡賓客之事共其牢禮積膳之牛。

牢禮養養也積所以給賓客之用若司儀職曰主國五積者也膳所以間禮賓客若嘗客云殷膳太牢。○積子賜反殮音孫。

周禮

卷三

司徒教官之職

二

永懷堂

饗食賓射共其膳羞之牛

羞進也所進賓之膳燕禮小臣請執冪者與羞膳者至獻賓而膳宰設折俎王之膳羞亦猶此○食音嗣下文同冪民狄反

軍事共其犒牛

鄭司農云犒師之牛○犒苦報反

喪事共其奠牛

謂殷奠遣奠也喪所薦饋曰奠

凡會同軍旅行役共其兵車之牛與其牽徬以載公任器

牽徬在轅外輓牛也人御之居其前曰牽居其旁曰徬任猶用也○徬薄浪反

凡祭祀共其牛牲之互與其盆簠以待事

鄭司農云互謂福衡之屬盆簠皆器名盆所以盛血簠受肉籠也○互劉音護徐音牙簠音奈盛音成縣音玄

充人掌繫祭祀之牲牲祀五帝則繫于牢芻之三月

牢閑也必有閑者防禽獸觸齧養牛羊曰芻三月一時節氣成

享先王亦如之

凡散祭祀之牲繫于國門使養之

散祭祀謂司中司命山川之屬國門謂城門司門之官鄭司農云使養之使守門者養之○散素但反

展牲則告牲

鄭司農云展具也具牲若今時選牲也充人主以牲牲告展牲者也○玄謂展牲若今夕牲也特牲饋食之禮曰宗人視牲告充

司豐

卷三

司徒教官之職

三

永懷堂

屬

舉獸尾告  
備近之

碩牲則贊

贊助也君率牲入將致之助持之也  
春秋傳曰故奉牲以告曰博碩肥膋

地官司徒下

載師掌任土之灋以物地事授地職而待其政令

地政則小司徒職也

任土者任其力勢所能生育且以制貢賦也物物色之以知其所宜之事而授農牧衡虞使職之

以廛里任國中之地以場圃任園地以宅田士田賈田任近郊之地以官田牛田賞田牧田任遠郊之地以公邑之田任甸地以家邑之田任稍地以小都之田任縣地以大都之田任疆地

故書廛或作壇郊或為蒿稍或作削鄭司農云禮讀為廛廛市  
中空地未有肆城中空地未有宅者民宅曰宅宅田者以備益  
多也土田者士大夫之子得而耕之田也賈田者吏為縣官賣  
財與之田官田者公家之所耕田牛田者以養公家之牛賞田  
者賞賜之田牧田者牧六畜之田司馬法曰王國百里為郊二  
百里為州三百里為野四百里為縣五百里為都杜子春云蒿  
讀為郊五十里為近郊百里為遠郊玄謂廛里者若今云邑里  
居矣廛民居之區域也里居也圃樹果菰之屬季秋於中為場  
樊圃謂之園宅田致仕者之家所受田也土相見禮曰宅者在  
邦則曰市井之臣在野則曰草茅之臣士讀為仕仕者亦受田  
所謂圭田也孟子曰自卿以下必有圭田圭田五十畝賈田在  
市賈人其家所受田也官田庶人在官者其家所受田也牛田  
牧田畜牧者之家所受田也公邑謂六遂餘地天子使大夫治  
之自此以外皆然二百里三百里其地大夫如州長四百里五  
百里其下大夫如縣正是以或謂二百里為州四百里為縣云  
遂人亦監焉家邑大夫之采地小都卿之采地大都公之采地  
王子弟所食邑也疆五百里王畿界也皆言任者地之形實不  
方平如圖受田邑者遠近不得盡如制其所生育賦貢取正於

司豐

卷三

司徒教官之職

日

大

是爾以廩里任國中而遂入職授民田夫一廩田百畝是廩里不謂民之邑居在都城者與凡王畿內方千里積百同九百萬夫之地也。有山陵林麓川澤溝瀆城郭宮室涂巷三分去一餘六百萬夫。又以田不易一易再易上中下相通定受田者三百萬家也。遠郊之內地居四同三十六萬夫之地也。三分去一其餘二十四萬夫。六鄉之民七萬五千家。通不易一易再易一家受二夫。則十五萬夫之地。其餘九萬夫。廩里也。場圃也。宅田也。士田也。賈田也。官田也。牛田也。賞田也。牧田也。九者亦通受一夫焉。則半農人也。定受田十二萬家也。食貨志云農民戶一人已受田。其家眾男為餘夫。亦以口受田。如此。土工商家受田五口。乃當農夫一人。今餘夫在遂地之中如此。則土工商以事入在官而餘夫以力出。耕公邑甸稍縣都合居九十六同八百六十四萬夫之地。城郭宮室差少涂巷又狹。于三分所去六而存一焉。以十八分之十三率之。則其餘六百二十四萬夫之地。通上中下六家而受十三夫。定受田二百八十八萬家也。其在甸十萬五千家為六遂。餘則公邑。○場直良反。賈音古。註同。置居良反。吏為于偽反。菰力果反。用長丁丈反。後皆同。監古銜反。麓音鹿。涂音徒。去起居反。下同。率音律。又音類。

周禮

卷三

四

水懷堂

按為察疑為漆

左昭二十六年

凡任地國宅無征園廩二十而一近郊十一遠郊二十而三甸稍縣都皆無過十二唯其漆林之征二十而五

征稅也。言征者以共國政也。鄭司農云任地謂任土地以起稅賦也。國宅城中宅也。無征無稅也。故書漆林為漆林。杜子春云當為漆林。玄謂國宅凡官所有宮室吏所治者也。國稅輕近而重遠。近者多役也。園廩亦輕之者。廩無穀園少利也。古之宅必樹而置場有瓜。○漆本又作漆。

凡宅不毛者有里布。凡田不耕者出屋粟。凡民無職事者出夫家之征。

鄭司農云宅不毛者謂不樹桑麻也。里布者布參印書廣二寸長二尺以為幣貿易物。詩云抱布貿絲。抱此布也。或曰布泉也。春秋傳曰買之百兩一布。又廩人職掌斂市之次布。僂布。貿布。罰布。廩布。孟子曰廩無夫里之布。則天下之民皆說而願為其

周禮

卷三

司徒教官之職

五

水懷堂



民矣故曰宅不毛者有里布民無職事出夫家之征欲令宅樹桑麻民就四業則無稅賦以勸之也故孟子曰五畝之宅樹之以桑則五十者可以衣帛不知言布參印書者何見舊時說也玄謂宅不毛者罰以一里二十五家之泉空田者罰以三家之稅粟以其吉凶二服及喪器也民雖有間無職事者猶出夫稅家稅也夫稅者百畝之稅家稅者出土徒車輦給繇役○儻音讓說音悅令力呈反衣於既反間音閑

以時徵其賦

閭師掌國中及四郊之人民六畜之數以任其力以待其政令以時徵其賦

國中及四郊是所主數六鄉之中自廛里至遠郊也掌六畜數者農事之本也賦謂九賦及九貢

凡任民任農以耕事貢九穀任圃以樹事貢草木任工以飭材事

貢器物任商以市事貢貨賄任牧以畜事貢鳥獸任嬪以女事貢布帛任衡以山事貢其物任虞以澤事貢其物

貢草木謂葵韭果蓏之屬○畜許六反

凡無職者出夫布

獨言無職者掌其九賦

凡庶民不畜者祭無牲不耕者祭無盛不樹者無棹不蠶者不帛不績者不衰

掌罰其家事也盛黍稷也棹周棺也不帛不得衣帛也不衰喪不得衣衰也皆所以恥不勉○衰七回反

縣師掌邦國都鄙稍甸郊里之地域而辨其夫家人民田萊之數

司農

卷三 司徒教官之職

六

水滸堂

及其六畜車輦之稽。三年大比，則以攷羣吏，而以詔廢置。

郊里，郊所居也。自邦國以及四郊之內，是所主數周天下也。萊，休不耕者。郊內謂之易，郊外謂之萊。善言近。○比，毗志反。

若將有軍旅，會同田役之戒，則受灋于司馬，以作其衆庶。及馬牛車輦，會其車人之卒伍，使皆備旗鼓兵器，以帥而至。

受灋於司馬者，知所當徵衆寡。

凡造都邑，量其地，辨其物，而制其域。

物，謂地所有也。名山大澤，不以封。○量，音良。

以歲時徵野之賦貢。

野，謂甸、稍、縣、都也。所徵賦貢，與閭師同。

遺人掌邦之委積，以待施惠。鄉里之委積，以恤民之羸阨。門關之委積，以養老孤。郊里之委積，以待賓客。野鄙之委積，以待羈旅。縣都之委積，以待凶荒。

委積者，廩人倉人計九穀之數，足國用，以其餘共之，所謂餘其用也。職內邦之移用亦如此也。皆以餘財共之，少曰委，多曰積。鄉里，鄉所居也。羸阨，猶困之也。門關，以養老孤，人所出入，易以取餼廩也。羈旅，過行寄止者。待凶荒，謂邦國所當通給者也。故書羸阨作撞阨，羈作寄，杜子春云：撞阨當為羸阨，寄當為羈。○遺唯季反。施，惠式。政反。易以政反。撞，音躐。又音謹。

凡賓客會同師役，掌其道路之委積。凡國野之道，十里有廬。廬有飲食，三十里有宿。宿有路室。路室有委，五十里有市。市有候館。候館有積。

周禮

卷三 司徒教官之職

七

禮記

法

廬若今野候從有房也宿可止宿若今亭有室矣候館樓可以觀望者也一市之間有三廬一宿○房音雅

凡委積之事巡而比之以時頒之

周禮卷十三終

周禮卷十四

漢大司農北海鄭玄註

皇明後學東吳葛藹訂

司徒教官之職

均人掌均地政均地守均地職均人民牛馬車輦之力政

政讀為征地征謂地守地職之稅也地守衡虞之屬地職農圃之屬力征人民則治城郭涂巷溝渠牛馬車輦則轉委積之屬

○政音征下同

凡均力政以歲上下豐年則公旬用三日焉中年則公旬用二日焉無年則公旬用一日焉

司徒教官之職

禮堂

庸人秋凡萬民之食食者人四鬴上也人三鬴中也人二鬴下也若食不能人二鬴則令邦移民就穀就穀就都鄙之有者殺杭撤也既曰知此皆謂一月食米者計中歲頒祿人食三鬴不得為數月古今皆月月給積故如此皆一月食米也六斗四升曰鬴昭公傳晏子錄右司徒均人秋可掃

豐年人食四鬴之歲也人食三鬴為中歲人食二鬴為無歲歲無贏儲也公事也旬均也讀如營營原隰之營易坤為均今書亦有作旬者○上時掌反鬴亡甫反營音均文音旬

凶札則無力政無財賦

無力政恤其勞也無財賦恤其乏困也財賦九賦也

不收地守地職不均地政

不收山澤及地稅亦不平計地稅也非凶札之歲當收稅乃均之耳

三年大比則大均

有年無年大平計之若久不修則數或闕

師氏掌以媿詔王

又

告王以善道也文王世子曰師也者教之以事而論諸德者也○媿音美

以三德教國子一曰至德以為道本二曰敏德以為行本三曰孝

德以知逾惡教三行一曰孝行以親父母二曰友行以尊賢良三

曰順行以事師長

德行內外之稱在心為德施之為行至德中和之德履燾持載含容者也孔子曰中庸之為德其至矣乎敏德仁義順時者也說命曰敬孫務時敏厥修乃來孝德尊祖愛親守其所以生者也孔子曰武王周公其達孝矣乎夫孝者善繼人之志善述人之事者也孝在三德之下三行之上德有廣於孝而行莫尊焉國子公卿大夫之子弟師氏教之而世子亦齒焉學君臣父子長幼之道○行下孟反下及注同知音智燾徒報反說音悅孫音遜夫音扶

居虎門之左司王朝

周禮

司徒教官之職

二

承懷堂

虎門路寢門也。王日視朝於路寢門外。畫虎焉。以明勇猛於守宜也。可猶察也。察王之視朝。若有善道可行者。則當前以詔王。○朝直遙。反下皆同。

掌國中失之事。以教國子弟。

教之者。使識舊事也。中。中禮者也。失。失禮者也。故書中為得。杜子春云。當為得。記君得失。若春秋是也。○中。丁仲反。注同。

凡國之貴遊子弟學焉。

貴遊。子弟。王公之子弟。遊。無官司者。杜子春云。遊當為猶。言雖貴猶學。

凡祭祀賓客會同喪紀軍旅。王舉則從。

舉。猶行也。故書舉為與。杜子春云。當為與。謂王與會同喪紀之事。○從。才用反。與音預。

聽治亦如之。

謂王舉於野外以聽朝。

使其屬帥四夷之隸。各以其兵服守王之門外。且蹕。

兵服。旃布弓劍不同也。門外。中門之外。蹕。止行人。不得迫王宮也。故書隸。或作肆。鄭司農云。讀為隸。○蹕音畢。

朝在野外。則守內列。

內列。蕃營之在內者也。其屬亦帥四夷之隸守之。如守王宮。

保氏掌諫王惡。

諫者。以禮義正之。文王世子曰。保也者。慎其身以輔翼之。而歸諸道者也。

而養國子以道。乃教之六藝。一曰五禮。二曰六樂。三曰五射。四曰五馭。五曰六書。六曰九數。乃教之六儀。一曰祭祀之容。二曰賓客

周禮

卷之四

司徒教官之職

三

承慶堂

之容。三曰朝廷之容。四曰喪紀之容。五曰軍旅之容。六曰車馬之容。

養國子以道者以師氏之德行審論之而後教之以藝儀也五禮吉凶賓軍嘉也六樂雲門大成大韶大夏大濩大武也鄭司農云五射白矢參連剌注襄尺并儀也五馭鳴和鸞逐水曲過君表舞交衢逐禽左六書象形會意轉注處事假借諧聲也九數方田粟束差分少廣商功均輸方程贏不足旁要今有重差夕祭句股也祭祀之容穆穆皇皇賓客之容嚴恪矜莊朝廷之容濟濟踳踳喪紀之容涕涕翔翔軍旅之容闐闐仰仰車馬之容顛顛堂堂玄謂祭祀之容齊齊皇皇賓客之容穆穆皇皇朝廷之容濟濟翔翔喪紀之容纍纍顛顛軍旅之容暨暨諒諒馬之容匪匪翼翼○剌羊甚反襄音讓本作讓重直龍反夕祭音的沈祥易反此二字非鄭注濟子禮反踳七良反闐呼檻反仰本又作印五剛反纍顛上律悲反下音田諒五格反

凡祭祀賓客會同喪紀軍旅王舉則從聽治亦如之使其屬守王

闈。

闈宮中之巷門

司諫掌糾萬民之德而勸之朋友正其行而強之道藝巡問而觀察之以時書其德行道藝辨其能而可任於國事者

朋友相切磋以善道也強猶勸也學記曰強而弗抑則易巡問行問民間也可任於國事任吏職○強其文反易以鼓反

以致鄉里之治以詔廢置以行赦宥

因巡問勸強萬民而考鄉里吏民罪過以告王所當罪不○行下孟反

司救掌萬民之表惡過失而誅讓之以禮防禁而救之

表惡謂侮慢長老語言無忌而未麗於罪者過失亦由表惡○醜營好訟若抽拔兵器誤以行傷害人麗於罪者誅誅責也古者

司

徒

司徒教官之職

四

承

司救職耻諸嘉石秋官大司寇職以嘉石平四民注嘉石文石也樹之外朝門左平成也成之使善也疏曰此嘉石師石在朝士外朝士屬大司寇故見之尔云嘉石文石也者以其言嘉嘉善也有文乃抑嘉故知文石也欲使罷民思其文理以改悔自脩樹之外朝門左朝士文也○朝士外朝士掌建邦外朝之法左嘉石平罷民右右師石連罷民鄭注小宗伯外朝之神位右社稷左宗廟然則外朝在廟之外阜之內與

重刑且責怒之未即罪也。○表似嗟反注  
作邪同。酬况付反。齏音詠。好訟呼報反。

凡民之有表惡者。三讓而罰。三罰而士加明刑。恥諸嘉石。役諸司空。

罰謂撻擊之也。加明刑者。去其冠飾而書其表惡之狀。著之背也。嘉石。朝土所掌。在外朝之門左。使坐焉以恥辱之。既而役諸司空。使事官之作也。坐役之數存於司寇。○去起呂反。著直略反。

其有過失者。三讓而罰。三罰而歸於圜土。

圜土。獄城也。過失。近罪。晝日任之以事而收之。夜藏於獄。亦加明刑以恥之。不使坐嘉石。其罪已著。未忍刑之。

凡歲時有天患。民病。則以節巡國中及郊野。而以王命施惠。

天患。謂灾害也。節。旌節也。施惠。賜恤之。

調人掌司萬民之難。而諧和之。

難。相與為仇。讎。諧。猶調也。

凡過而殺傷人者。以民成之。

過。無本意也。成。平也。鄭司農云。以民成之。謂立證佐。成其罪也。一說。以鄉里之民。共和解之。春秋傳曰。惠伯成之之屬。

鳥獸亦如之。

過失殺傷人之畜產者。○畜許又反。

凡和難。父之讎。辟諸海外。兄弟之讎。辟諸千里之外。從父兄弟之讎。不同國。君之讎。眡父師長之讎。眡兄弟。主友之讎。眡從父兄弟。

和之。使辟於此。不得就而仇之。九夷。八蠻。六戎。五狄。謂之四海。主。大夫君也。春秋傳曰。晉荀偃卒。而視不可含。宣子盭而撫之。

同禮

卷五

司徒教官之職

五

承襲堂

左襄十八年

左文七年

官之作崇禎本你官作之  
別本与此同

曰事吳敢不如事主○辟音避從才用反眠音視

弗辟則與之瑞節而以執之

瑞節玉節之刻圭也。和之而不肯辟者是不從王命也。王以刻圭使謂人執之治其罪。

凡殺人有反殺者使邦國交讎之

反復也。復殺之者此欲除害弱敵也。邦國交讎之明不和諸侯得者即誅之。鄭司農云有反殺者謂重殺也。

凡殺人而義者不同國令勿讎讎之則死

義宜也。謂父母兄弟師長堂辱焉而殺之者如是為得其宜。雖所殺者人之父兄不得讎也。使之不同國而已。

凡有鬪怒者成之不可成者則書之先動者誅之

鬪怒辨訟者也。不可成不可平也。書之記其姓名辨本也。鄭司農云成之謂和之也。和之猶令二千石以令解仇怨後復相報

移徙之此其類也。玄謂上言立證佐成其罪似非

媒氏掌萬民之判

判半也。得耦為合。主合其半。成夫婦也。喪服傳曰夫妻判合。鄭司農云主萬民之判合。

凡男女自成名以上皆書年月日名焉

鄭司農云成名謂子生三月父名之

令男三十而娶女二十而嫁

二三三者天地相丞覆之數也。易曰參天兩地而奇數焉。奇本或作倚音同

凡娶判妻入子者皆書之

書之者以別未成昏禮者。鄭司農云入子者謂嫁女者也。玄謂言入子者容勝姪娣不聘之者

司徒教官之職

示慎堂

按丞与承同張湯傳丞上指崇禎本作承



中春之月令會男女

中春陰陽交以成昏禮順天時也

於是時也奔者不禁

重天時權許之也

若無故而不用令者罰之

無故謂無喪禍之變也有喪禍者娶得用非仲春之月雜記曰已雖小功既卒哭可以冠子娶妻○冠古喚反

司男女之無夫家者而會之

司猶察也無夫家謂男女之鰥寡者

凡嫁子娶妻入幣純帛無過五兩

周禮

卷之四

七

司儀

純實緇字也古緇以才為聲納幣用緇婦人陰也凡於娶禮必用其類五兩十端也必言兩者欲得其配合之名十者象五行十日相成也士大夫乃以玄纁束帛天子加以穀圭諸侯加以大璋雜記曰納幣一束束五兩兩五尋然則每端二丈○純側其

反依字從糸方

禁遷葬者與嫁殤者

遷葬謂生時非夫婦成既葬遷之使相從也殤十九以下未嫁而死者生不以禮相接成而合之是亦亂人倫者也鄭司農云嫁殤者謂嫁成人也今時娶會是也

凡男女之陰訟聽之于勝國之社其附于刑者歸之于士

陰訟爭中冓之事以觸法者勝國亡國也亡國之社掩其上而棧其下使無所通就之以聽陰訟之情明不當宣露其罪不在赦宥者直歸士而刑之不復以聽士司寇之屬詩云牆有茨不可掃也中冓之言不可道也所可道也言之醜也○冓古侯反

周禮

卷之四

司徒教官之職

七

司寇

稷士板反  
失疾私反

司市掌市之治教政刑。量度禁令。

量豆區斗斛之屬度  
丈尺也。○區鳥侯反

以次敘分地而經市。

次謂吏所治舍思文介次也。若今市亭  
然敘肆行列也。經界也。○行戶剛反

以陳肆辨物而平市。

陳猶列也。辨物物異  
肆也。肆異則市平

以政令禁物靡而均市。

物靡者易售而無用。禁之則市均。鄭  
司農云。靡謂侈靡也。○易以鼓反

買

以商賈阜貨而行布。

通物曰商。居賣物曰賈。阜猶盛也。  
鄭司農云。布謂泉也。○賈音古

以量度成賈而徵債。

徵召也。債賈也。物有定賈。則買者來也。○  
成賈音嫁。注下不育者皆同。債劉音音

以質劑結信而止訟。

質劑謂兩書一札而別之也。若今下手書言保物要  
還矣。鄭司農云。質劑月平。○劑子隨反。平皮命反

以賈民禁偽而除詐。

賈民。胥師賈師之屬。必以賈民為之  
者。知物之情偽與實詐。○賈民音嫁

以刑罰禁濫而去盜。

司徒教官之職

刑罰憲徇於○。聽薄報  
反去起呂反扑普卜反

以泉府同貨而斂賒。

同共也。同者謂民貨不售則為斂而買之。民無貨則賒賈而予之。○賒傷蛇反。為于偽反。賈音世。

大市曰廼而市。百族為主。朝市朝時而市。商賈為主。夕市夕時而

市。販夫販婦為主。

日廼。廼中。也。市。雜聚之處。言主者謂其多者也。百族必容來去。商賈家於市。城。販夫販婦。朝資夕賣。因其便而分為三時之市。所以了物極衆。鄭司農云。百族。百姓也。○廼音側。本又作畷。

凡市入則胥執鞭度守門市之羣吏。平肆展成。奠賈。上旌于思次。以令市。市師涖焉。而聽大治。大訟。胥師賈師。涖于介次。而聽小治。

小訟。

凡市人謂三時之市。市者入也。胥守門。察偽詐也。必執鞭度。以威正人衆也。度。謂及也。因刻丈尺耳。羣吏。胥師以下也。平肆。平賣物者之行列。使之正也。展之言。整也。成。平也。會。平成。市物者也。奠。讀為定。整勅會者。使定物賈。防誑豫也。上旌者。以為衆盟也。見旌則知當市也。思次。若今市亭也。市師。司市也。介次。市亭之屬。別小者也。故書涖。作立。杜子春云。奠當為定。鄭司農云。思辭也。次。市中候樓也。立當為涖。涖。視也。玄。謂思當為司字。聲之誤也。○奠音定。上時掌反。又音殊。

凡萬民之期于市者。辟布者。量度者。刑戮者。各於其地之敘。

期。謂欲賣買。期法于市也。量度者。若今處斗斛及丈尺也。故書辟為辭。鄭司農云。辟布。辟訟泉物者也。玄。謂辟布。市之羣吏考實諸泉入。及有遺忘。

凡得貨賄六畜者。亦如之。三日而舉之。

同禮

卷四

司徒教官之職

也

示懷堂

得遺物者亦使置其地貨於貨之肆馬於馬之肆則主求之易也三日而無識認者舉之沒入官

凡治市之貨賄六畜珍異亡者使有利者使阜害者使亡靡者使微。

利利於民謂物實厚者害害於民謂物行苦者使有使阜起其賈以徵之也使亡使微抑其賈以卻之也侈靡細好使富民好奢微之而已鄭司農云亡者使有無此物則開利其道使之有苦音古好呼報反

凡通貨賄以璽節出入之

璽節印章如今斗檢封矣使人執之以通商以出貨賄者王之司市也以內貨賄者邦國之司市也

國凶荒札喪則市無征而作布

有災害物貴市不稅為民乏困也金銅無凶年因物貴大鑄泉以饒民

凡市偽飾之禁在民者十有二在商者十有二在賈者十有二在工者十有二

鄭司農云所以俱十有二者工不得作賈不得賈商不得資民不得畜玄謂王制曰用器不中度不粥於市兵車不中度不粥於市布帛精麤不中數幅廣狹不中量不粥於市姦色亂正色不粥於市五穀不時果實未熟不粥於市木不中伐不粥於市禽獸魚鼈不中殺不粥於市亦其類也於四十八則未聞數十二焉○賈音古注同粥音育中丁仲反下同

市刑小刑憲罰中刑徇罰大刑扑罰其附于刑者歸于士

徇舉以示其地之衆也扑達也鄭司農云憲罰播其肆也故書附為附杜子春云當為附○附方符反

國君過市則刑人赦夫人過市罰一幕世子過市罰一布命夫過市罰一蓋命婦過市罰一帷

謂諸侯及夫人世子過其國之市大夫內子過其都之市也市者人之所交利而行刑之處君子無故不遊觀焉若遊觀則施惠以為說也國君則赦其刑入夫人世子命夫命婦則使之出罰異尊卑也所罰謂憲狗扑也必罰幕幣蓋帷市者衆也此四物者在衆之用也此王國之市而說國君以下過市者諸侯之於其國與王同以其足以互明之。○幕劉音莫帑音亦觀占亂反下

凡會同師役市司帥賈師而從治其市政掌其賣債之事。

市司司市也債買也會同師役必有市者大衆所在來物以備之

周禮卷十四終

周禮卷十五

漢大司農北海鄭 玄註

皇明 後學東吳金 蟠訂

司徒教官之職

質人掌成市之貨賄人民牛馬兵器珍異。

成平也會者平物賈而來主成其平也人民奴婢也珍異四時食物

凡賣債者質劑焉大市以質小市以劑。

鄭司農云質劑月平賈也質大賈劑小賈玄謂質劑者為之券藏之也大市人民馬牛之屬用長券小市兵器珍異之物用短券○長

如字

司徒教官之職

承襲

掌稽市之書契同其度量壹其淳制巡而攷之犯禁者舉而罰之

稽猶考也治也書契取予市物之券也其券之象書兩札刻其側杜子春云淳當為純純謂幅廣制謂匹長也皆當中度量玄謂淳讀如淳尸盤之淳○其淳音准長直亮反中丁仲反淳尸劉章純反

凡治質劑者國中一旬郊二旬野三旬都三月邦國暮期內聽期

外不聽

謂齋券契者來訟也以期內來則治之後期則不治所以絕民之好訟且息文書也郊遠郊也野甸稍也都小都大都

廛人掌斂市紬布總布質布罰布廛布而入于泉府

布泉也鄭司農云紬布列肆之稅布杜子春云總當為儻謂無肆立持者之稅也玄謂總讀如租總之總總布謂守斗斛銓衡者之稅也質布者質人之所罰犯質劑者之泉也罰布者犯市令者之泉也廛布者貨賄諸物邸舍之稅○紬音次儻音護總

淳尸士禮文後部  
淳制出內宰注

音總

凡屠者斂其皮角筋骨入于玉府

以當稅給作器物也其無皮角及筋骨不中用亦稅之

凡珍異之有滯者斂而入于膳府

故書滯或作廛鄭司農云謂滯貨不售者官為居之貨物沉滯於廛中不決民待其直以給喪疾而不可售賈賤者也廛謂市中之地未有肆而可居以畜藏貨物者也孟子曰市廛而不征法而不廛則天下之商皆說而願藏於其市矣謂貨物儲藏於市中而不租稅也故曰廛而不征其有貨物久滯於廛而不售者官以法為居取之故曰法而不廛玄謂滯讀如沉滯之滯珍異四時食物也不售而在廛久則將瘦靡腐敗為買之入膳夫之府所以紓民事而官不失實○官為于儻反下同畜勅六反說養悅諸知呂反本或作貯瘦本又作腴所又反靡其俱反

司徒教官之職

司徒教官之職

二

承襲堂

胥師各掌其次之政令。而平其貨賄。憲刑禁焉。

憲表縣之。縣音玄。

察其詐偽飾行債慝者。而誅罰之。

鄭司農云。債賣也。慝惡也。謂行且賣姦偽惡物者。玄謂飾行債慝。謂使人行賣惡物於市。巧飾之。令欺誑買者。○行下孟反。令力呈反。

聽其小治小訟而斷之。

○斷丁亂反。

賈師各掌其次之貨賄之治。辨其物而均平之。展其成而奠其賈。然後令市。

辨別也。

凡天患。禁貴債者。使有恒賈。

恒常也。謂若諸米穀棺木。而賄久雨疫。病者貴賣之。因天災害。阨民使之重困。

四時之珍異。亦如之。

薦宗廟之物。

凡國之賣債。各師其屬。而嗣掌其月。

債買也。故書賣為買。鄭司農云。謂官有所斥。令賣賈師師其屬。而更相代直。月為官賣之。均勞逸。○為官干僞反。

凡師役會同。亦如之。

司蔬掌羸市之禁令。禁其鬪踞者。與其齷亂者。出入相陵犯者。以

周禮

卷五

司徒敎官之職

三

刑律

屬遊飲食于市者。

鄭謹也。鄭司農云。以屬遊飲食。羣飲食者。○鄭五羔反。謹音歡。

若不可禁。則搏而戮之。

司稽掌巡市而察其犯禁者。與其不物者。而搏之。

不物。衣服視占不與衆同。及所操物不如品式。

掌執市之盜賊。以徇且刑之。

胥各掌其所治之政。執鞭度而巡其前。掌其坐作出入之禁令。襲其不正者。

作起也。坐起禁令。當市而不得空守之屬。故書襲為習。杜子春云。當為襲。謂掩捕其不正者。

凡有罪者。撻戮而罰之。

罰之。使出布。

肆長各掌其肆之政令。陳其貨賄。名相近者相遠也。實相近者相

爾也。而平正之。

爾亦近也。俱是物也。使惡者遠。善者自相近。鄭司農云。謂若珠玉之屬。俱名為珠。俱名為玉。而賈或百萬。或數萬。恐農夫愚民見欺。故別異令相遠。使賈人不得雜亂以欺人。

斂其總布。掌其戒令。

杜子春云。總當為儻。

泉府掌以市之征布。斂市之不售。貨之滯於民用者。以其賈買之。

同豐

卷五 司徒教官之職

四

永懷堂



物揭而書之。以待不時而買者。買者各從其抵。都鄙從其主。國人郊人從其有司。然後予之。

故書滯為瘡。杜子春云。瘡當為滯。鄭司農云。物揭而書之。物物為揃書。書其賈。揭著其物也。不時買者。謂急求者也。抵。故賈也。主者。別治大夫也。然後予之。為封符信。然後予之。玄謂抵實。抵字。抵本也。本謂所屬吏。主有司是也。○揭音竭。瘡音且。揃音戔。著直畧反。

凡賒者。祭祀無過旬日。喪紀無過三月。

鄭司農云。賒。賈也。以祭祀喪紀。故從官賈買物。

凡民之貸者。與其有司辨而授之。以國服為之息。

有司。其所屬吏也。與之。別其貸民之物。定其賈以與之。鄭司農云。貸者。謂從官借本賈也。故有息。使民弗利。以其所賈之國所

出為息也。假令其國出絲絮。則以絲絮償其國出絺葛。則以絺葛償其國。玄謂以國服為之息。以其於國服事之稅為息也。於國事受園廩之田。而貸萬泉者。則春出息五百。王莽時。民貸以治產業者。但計贏所得受息。無過歲什一。○本賈音嫁。所賈音古。

凡國之財用。取具焉。歲終則會其出入。而納其餘。

會計也。納入也。入餘於職幣。

司門掌授管鍵。以啓閉國門。

鄭司農云。鍵。讀為蹇。管。謂籥也。鍵。謂牡。○鍵其展反。

幾出入不物者。正其貨賄。凡財物犯禁者。舉之。

不物。衣服視瞻不與眾同。及所操物。不如品式者。正讀為征。征。稅也。犯禁。謂商所不賚者。舉之。没入官。

以其財養政之老。與其孤。

財辨謂門關之委積也。死政之老，死國事者之父母也。孤其子。

祭祀之牛牲繫焉。監門養之。

監門，門徒。○監古銜反。

凡歲時之門受其餘。

鄭司農云：受祭門之餘。

凡四方之賓客造焉，則以告。

造，猶至也。告，告於王，而止容以俟逆。

司關掌國貨之節，以聯門市。

貨節，謂商本所發司市之壘節也。自外來者，則案其節而書其貨之多少。通之國門，國門通之司市，自內出者，司市為之壘節。

客

通之國門，國門通之關門，參相聯以檢猾商。○猾音滑。

司貨賄之出入者，掌其治禁，與其征廩。

征廩者，貨賄之稅，與所止邸舍也。關下亦有邸客舍，其出布如市之廩。

凡貨不出於關者，舉其貨，罰其人。

不出於關，謂從私道出辟稅者，則沒其財，而撻其人。○辟音避。

凡所達貨賄者，則以節傳出之。

商或取貨於民間，無壘節者，至關關為之壘節及傳出之，其有壘節亦為之傳傳，如今移過所文書。○傳張戀反。注下皆同。

國凶札，則無關門之征，猶幾。

鄭司農云：凶，謂凶年饑荒也。札，謂疾疫死亡也。越人謂死為札。春秋傳曰：札瘥天昏，無關門之征者，出入關門無租稅，猶幾，謂

周禮

卷五

司徒教官之職

六

承襲堂

昭十九年

無租稅猶苛察不得令姦人出入孟子曰關幾而不征則天下之行旅皆說而願出於其塗○瘞才何反說音悅

凡四方之賓客敬關則為之告。

謂朝聘者也敬關猶謂關人也鄭司農說以國語曰周之秩官有之曰敵國賓至關尹以告行理以節逆之○敬音叩為于偽反朝直

有外內之送令則以節傳出內之。

有送令謂奉貢獻及文書以常事往來環人之職所送迎通賓客來至關則為之節與傳以通之

掌節掌守邦節而辨其用以輔王命。

邦節者珍圭牙璋穀圭琕圭琖圭也王有命則別其節之用以授使者輔王命者執以行為信○別彼列反使所吏反

守邦國者用玉節守都鄙者用角節。

謂諸侯於其國中公卿大夫王子弟於其采邑有命者亦自有節以輔之玉節之制如王為之以命數為小大角用犀角其制

未聞

凡邦國之使節山國用虎節土國用人節澤國用龍節皆金也以英蕩輔之。

使節使卿大夫聘於天子諸侯行道所執之信也土平地也山多虎平地多人澤多龍以金為節鑄象焉必自以其國所多者於以相別為信明也今漢有銅虎符杜子春云蕩當為帑謂以函器盛此節或曰英蕩畫函○帑吐黨反盛音成

門關用符節貨賄用璽節道路用旌節皆有期以反節。

門關司門司關也貨賄者主通貨賄之官謂司市也道路者主治五涂之官謂鄉遂大夫也凡民遠出至於邦國邦國之民若來入由門者司門為之節由關者司關為之節其商則司市為之節其以徵令及家徙則鄉遂大夫為之節唯時事而行不出

關木用節也。變司市言貨賄者。壘節主以通貨賄貨賄非必由市。或資於民家焉。變鄉遂言道路者。容公邑及小都大都之吏皆主治五涂。亦有民也。符節者。如今宮中諸官詔符也。壘節者。今之印章也。旌節。今使者所擁節是也。將送者。執此節以送行者。者。以道里日時課。如今郵行有程矣。以防容姦。擅有所通也。凡節有法式。藏於掌節。○郵音尤。

凡通達於天下者必有節以傳輔之。

必有節言遠行無有不得節而出者也。輔之以傳者。節為信耳。傳說所齎操及所適。

無節者有幾則不達。

園土內之。

遂人掌邦之野。

郊外曰野。此野為甸稍縣都。

以土地之圖。經田野。造縣鄙。形體之灋。五家為鄰。五鄰為里。四里為鄣。五鄣為鄙。五鄙為縣。五縣為遂。皆有地域。溝樹之。使各掌其政。令刑禁。以歲時稽其人民。而授之田野。簡其兵器。教之稼穡。

經形體。皆為制分界也。鄰里鄣鄙縣遂。猶郊內比閭族黨州鄉也。鄭司農云。田野之居。其比伍之名。與國中異制。故五家為鄰。玄謂異其名者。示相變耳。遂之軍法。追胥起徒役。如六鄉。○鄣作管。反比毗。志反。

凡治野。以下劑致阡。以田里安阡。以樂昏擾阡。以土宜教阡稼穡。以興勸利阡。以時器勸阡。以疆予任阡。以土均平政。

變民言阡。異外內也。阡猶情。無知貌也。致猶會也。民雖受上田中田下田。及會之。以下劑為率。謂可任者。家二人。樂昏勸其昏姻。如媒氏會男女也。擾順也。時器。鑄作耒耜錢鎛之屬。疆予。謂民有餘力。復予之田。若餘夫然。政讀為征。土均。掌均平其稅。

鄭大夫讀勸為藉杜子春讀勸為助謂起民人令相佐助  
○吐亡耕反疆其良反憚莫耕反率音律又音類鑄音博

辨其野之土。上地中地下地。以頒田里。上地夫一廛。田百晦。萊百晦。餘夫亦如之。下地  
十晦。餘夫亦如之。中地夫一廛。田百晦。萊百晦。餘夫亦如之。下地  
夫一廛。田百晦。萊二百晦。餘夫亦如之。

萊謂休不耕者。鄭司農云。戶計一夫一婦而賦之田。其一戶有  
數口者。餘夫亦受此田也。廛。居也。楊子雲有田一廛。謂百晦之  
居也。玄謂廛城邑之居。孟子所云五晦之宅。樹之以桑麻者也。  
六遂之民。奇受一廛。雖上地猶有萊。皆所以饒遠也。王莽時。城  
郭中宅不樹者為不毛。出三夫之布。  
令力呈反晦音歛萊音來奇居宜反

凡治野。夫間有遂。遂上有徑。十夫有溝。溝上有畛。百夫有洫。洫上  
有涂。千夫有澮。澮上有道。萬夫有川。川上有路。以達于畿。

澮

十夫二鄰之田。百夫一鄰之田。千夫二鄰之田。萬夫四鄰之田。  
遂。溝洫澮皆所以通水於川也。遂廣濶各二尺。溝倍之。洫倍溝。  
澮廣二尋。澮二似徑。畛涂道路皆所以通車徒於國都也。徑容  
牛馬。畛容大車。涂容乘車一軌。道容二軌。路容三軌。都之野。涂  
與環涂同可也。萬夫者。方三十三里。少半里。九而方。一同以南  
畝圖之。則遂從溝橫。洫從澮橫。九澮而川。周其外焉。去山陵林  
麓。川澤。溝澮。城郭。宮室。涂巷。三分之制。其餘如此。以至于畿。則  
中雖有都鄙。遂人盡主其地。○洫况域反澮古外反乘繩證反  
從子容反  
去起呂反

以歲時登其夫家之衆寡。及其六畜車輦。辨其老幼廢疾。與其施  
舍者。以頒職作事。以令貢賦。以令師田。以起政役。

登。成也。猶定也。夫家。猶言男女也。施。讀為弼。職。謂民九職也。分  
其農牧衡虞之職。使民為其事也。載。師職云。以物地事。授地職  
互言矣。貢。九貢也。賦。九賦也。政。役  
出土徒役。○施。式氏反。政。音征。

周禮

卷五

司徒教官之職

九

承襲堂

若起野役則令各帥其所治之民而至以遂之大旗致之其不用命者誅之。

役謂師田若有功作也遂之大旗熊虎

凡國祭祀共野牲令野職。

共野牲入於牧人以待事也野職薪炭之屬

凡賓客令修野道而委積。

委積於廬宿市

大喪帥六遂之役而致之掌其政令及葬帥而屬六綽及窆陳役。

致役致於司徒給墓上事及窆也綽舉棺索也葬舉棺者謂載與說時也用綽旁六執之者天子其千人與陳役者主陳列之

耳匠師帥監之鄉師以斧涖焉大喪之正棺殯啓朝及引六鄉役之載及窆六遂役之亦即遠相終始也鄭司農云窆謂下棺時遂入主陳役也禮記謂之封春秋謂之崩皆葬下棺也聲相似○屬音燭綽音弗窆昌涓反與說始銳反朝直遙反之封彼驗反崩補鄧反

凡事致野役而師田作野民帥而至掌其政治禁令。

遂師各掌其遂之政令戒禁以時登其夫家之衆寡六畜車輦辨

其施舍與其可任者經牧其田野辨其可食者周知其數而任之。

以徵財征作役事則聽其治訟。

施讀亦弛也經牧制田界與井也可食謂今年所當耕者也財征賦稅之事

巡其稼穡而移用其民以救其時事。

周禮

卷五

司徒教官之職

十

承讓堂

凡國祭祀

移用其民使轉相助救時急事也四時耕耨故艾芟地之宜晚早不同而有天期地澤風雨之急○艾音刈

審其誓戒共其野牲

審亦聽也

入野職野賦于玉府

民所入貨賄以當九職九賦中玉府之用者

賓客則巡其道修庀其委積

巡其道修行治道路也故書庀為比鄭司農云此讀為庀庀具也○庇又作庀四爾反行下孟反

大喪使帥其屬以幄帟先道野役及窆抱磨共丘籠及屨車之役

使以幄帟先者大宰也其餘司徒也幄帟先所以為葬窆之間先張神坐也道野役帥以至墓也丘籠之役窆復土也其器曰

籠屨車板路也板路載柳四輪迫地而行有似於屨因取名焉行至曠乃說更復載以龍輶屨禮記或作輶或作輗役謂執紼者鄭司農云抱磨磨下車也玄謂磨者適歷執紼者各也遂人主陳之而遂帥以各行校之○磨音歷龍力董反乃說如銳反或吐活反輶勅倫反輶市專反輶市專反適音的

軍旅田獵平野民掌其禁令比叙其事而賞罰

平謂正其行列部伍也鄭司農云此讀為庀

遂大夫各掌其遂之政令以歲時稽其夫家之眾寡六畜田野辨

其可任者與其可施舍者以教稼穡以稽功事掌其政令戒禁聽

其治訟

施讀亦為弛功事九職之事民所以為功業

司徒

司徒教官之職

上

承

令為邑者。歲終則會政致事。

不言其遂之吏而言為邑者。容公邑及卿大夫王子弟之采邑。政令戒禁。遂大夫亦施焉。

正歲簡稼器。修稼政。

簡猶閱也。稼器。耒耜鉞基之屬。稼政。孟春之月。令所云。皆修封疆。審端徑術。善相丘陵阪險原隰。土地所宜。五穀所殖。以教道民。必躬親之。○術音遂。相息亮。反道音導。

三歲大比。則帥其吏而興。明其有功者。屬其地治者。

興。舉也。舉民賢者能者。如六鄉之為也。興猶舉也。屬猶聚也。又因舉吏治有功者。而聚勅其餘以職事。○比。毗志反。屬音燭。

凡為邑者。以四達戒其功事。而誅賞廢興之。

四達者。治民之事大通者。有四。夫家眾寡也。六畜車輦也。稼穡耕耨也。旗鼓兵革也。

如字

縣正各掌其縣之政令。徵比。以頒田里。以分職事。掌其治訟。趨其稼事。而賞罰之。

徵。徵召也。比。案比。○趨。本又作趣。音促。

若將用野民。師田行役。移執事。則帥而至。治其政令。

移。執事。移用其民。鄭司農云。謂轉相佐助。

既役。則稽功會事。而誅賞。

鄙師各掌其鄙之政令。祭祀。

祭祀。祭祭也。○祭音詠。

凡作民。則掌其戒令。

司徒

司徒教官之職

十一

禮記



作民謂起役也

以時數其衆庶。而察其媿惡。而誅賞。

時四時也。○媿音美

歲終。則會其鄙之政。而致事。

鄒長各掌其鄙之政令。以時按登其夫家。比其衆寡。以治其喪紀。

祭祀之事。

按猶數也

若作其民而用之。則以旗鼓兵革帥而至。若歲時簡器。與有司數

之。

簡器。簡稼器也。兵器亦存焉。有司。遂大夫。

凡歲時之戒令。皆聽之。趨其耕耨。稽其女功。

聽之。受而行之也。女功。絲枲之事。

里宰掌比其邑之衆寡。與其六畜兵器。治其政令。

邑。里也。

以歲時合耦于耜。以治稼穡。趨其耕耨。行其秩叙。以待有司之政

令。而後歛其財賦。

考工記曰。耜廣五寸。二耜為耦。此言兩人相助耜而耕也。鄭司農云。耜讀為藉。杜子春云。耜讀為助。謂相佐助也。玄謂耜者。里宰治處也。若今街彈之室。於此合耦。使相佐助。因放而為名。季冬之月。令命農師計耦耕事。修耒耜。具田器。是其歲時與合人

耦則牛耦亦可知也。秩叙受耦相佐助之次第。○放方往反。

鄰長掌相糾相受。

相糾相舉察。

凡邑中之政相贊。

長短使相補助。

徙于他邑則從而授之。

從猶隨也。授猶付也。

周禮卷十五 終

周禮卷十六

漢大司農北海鄭玄註

皇明後學東吳葛鼎訂

司徒教官之職

旅師掌聚野之勸粟屋粟間粟

野謂遠郊之外也。勸粟民相助作一井之中所出九夫之稅粟也。屋粟民有田不耕所罰三夫之稅粟。間粟間民無職事者所出一夫之征粟。

而用之以質劑致民。平頒其與積。施其惠。散其利。而均其政令。

而讀為若聲之誤也。若用之謂恤民之艱阨。委積於野如遺人於鄉里也。以質劑致民。案入稅者各會而貸之。與積所與之積。

周禮

卷十六

司徒教官之職

一

承讓堂

謂三者之粟也平頒之不得偏頗有少多縣官徵聚物曰與令云軍興是也是粟縣師徵之旅師斂之而用之以賜衣食曰惠以作事業曰利均其政令者皆以國服為之息○積于賜反

凡用粟春頒而秋斂之

困時施之饒時收之

凡新阡之治皆聽之使無征役以地之嫩惡為之等

新阡新徙來者也治謂有所求乞也使無征役復之也王制曰自諸侯來徙家期不從政以地美惡為之等七八以上授以上地六口授以中地五口以下授以下地與舊民同旅師掌斂地稅而又惠施散利是以屬用新民焉○復音福

稍人掌令丘乘之政令

丘乘四丘為甸甸讀與維禹敵之之敵同其訓曰乘由是改云是掌令都鄙修治井邑丘甸縣都之溝涂云丘甸者舉中言之

溝涂之人各井別邑異則民之家數存焉

若有會同師田行役之事則以縣師之灋作其司徒菴輦帥而以至治其政令以聽於司馬

有軍旅會同田役之戒縣師受灋於司馬邦國都鄙稍甸郊里唯司馬所調以其灋作其衆庶及馬牛車輦會其車人之卒伍使皆備旗鼓兵器以誦而至是以書令之耳其所調若在家邑小都大都則稍人用縣師所受司馬之灋作之帥之以致於司馬也司徒司馬所調之同凡用役者不必一時皆徧以人數調之使勞逸遞焉○菴居錄反調徒弔反遞徒禮反

大喪帥蜃車與其役以至掌其政令以聽於司徒

蜃車及役遂人共之稍人者野監是以帥而致之既夕禮曰既正柩賓出遂匠納車于階間則天子以至于士柩路皆從逆來

委人掌斂野之賦斂薪芻凡疏材木材凡畜聚之物

野謂遠郊以外也。所斂野之賦謂野之園圃山澤之賦也。凡疏材草木有實者也。凡畜聚之物瓜瓠葵芋禦冬之具也。野之農賦旅師斂之工商嬪婦遂師以入玉府其牧則遂師又以其野牲。○畜勅六反芋于附反。

以稍聚待賓客以甸聚待羈旅。

聚凡畜聚之物也。故書羈作奇。杜子春云當為羈。

凡其余聚以待頒賜。

余當為餘聲之誤也。餘謂縣都畜聚之物。

以式灋共祭祀之薪蒸木材賓客共其芻薪喪紀共其薪蒸木材。

軍旅共其委積薪芻凡疏材共野委兵器與其野圃財用。

式法故事之多少也。薪蒸給炊及燎麤者曰新細者曰蒸木材給張事委積薪芻者委積之薪芻也。軍旅又有疏材以助禾粟。

市

野委謂廬宿止之薪芻也。其兵器謂守衛陳兵之器也。野圃之財用者苑圃藩籬之材。○蘿音羅。

凡軍旅之賓客館焉。

館舍也。必舍此者就牛馬之用。

王均掌平土地之政以均地守以均地事以均地貢。

政讀為征所平之稅邦國都鄙也。地守虞衡之屬地事農圃之職地貢諸侯之九貢。

以和邦國都鄙之政令刑禁與其施舍禮俗喪紀祭祀皆以地燬。

惡為輕重之灋而行之掌其禁令。

施讀為弛也。禮俗邦國都鄙民之所行先王舊禮也。君子行禮不求變俗隨其土地厚薄為之制豐省之節耳。禮器曰禮也者合於天時設於地財順於鬼神合於人心理於萬物。

周禮

卷一

司徒教官之職

三

承懷堂

草人掌土化之澆以物地相其宜而為之種。

土化之澆化之使美若汜勝之術也以物地占其形色為之種黃白宜以種禾之屬○相息亮反汜音凡

凡糞種驛剛用牛赤緹用羊墳壤用麋渴澤用鹿鹹瀉用狙勃壤

用狐壇壇用豕疆藥用蕒輕輿用犬

凡所以糞種者皆謂煮取汁也赤緹線色也渴澤故水處也渴鹵也狙狽也勃壤粉解者壇壇黏疏者疆藥疆堅者輕輿輕脆者故書驛為犖墳作豕杜子春犖讀為驛謂地色赤而土剛強也鄭司農云用牛以牛骨汁漬其種也謂之糞種墳壤多豕鼠也壇白色蕒麻也玄謂墳壤潤解○緹音抵麋音眉瀉音昔狙呼丸反壇時力反壇音盧藥呼覽反蕒扶云反輿孚照反線七絹反貓宅官反豕符豕反

稻人掌稼下地。

粉

揚法同

襄二十五年

以水澤之地種穀也謂之稼者有似嫁女相生以豬畜水以防止水以溝蕩水以遂均水以列舍水以澮寫水以

涉楊其芟作田

鄭司農說瀦防以春秋傳曰町原防規偃豬以列舍水列者非一道以去水也以涉楊其芟以其水寫故得行其田中舉其芟鉤也杜子春讀蕩為和蕩謂以溝行水也玄謂偃豬者畜流水之陂也防豬旁隄也遂田首受水小溝也列田之畦也澮水尾去水大溝作猶治也開遂舍水於列中因涉之楊去前年所芟之草而治田種稻○列祿計反芟所銜反町徒頂反去起呂反畦劉音圭呼音步

凡稼澤夏以水殄草而芟蕘之。

殄病也絕也鄭司農說芟夷以春秋傳曰芟夷蕘崇之今時謂禾下麥為蕘下麥言芟刈其禾於下種麥也玄謂將以澤地為

周禮

卷五 司徒教官之職

四

永懷堂

隱六年

稼者必於夏六月之時大雨時行以水病絕草之後生者至秋水涸芟之明年乃稼○黃音盪紆粉反

澤草所生種之芒種

鄭司農云澤草之所生其地可種芒種芒種稻麥也○芒種章勇反注同

早暵其其雩斂

稻人其雩斂稻急水者也鄭司農云雩事所發斂○暵呼且反

喪紀其其葦事

葦以闡壙禦濕之物○闡音因

王訓掌道地圖以詔地事

道說也說地圖九州形勢山川所宜告王以施其事也若云荆揚地宜稻幽并地宜麻

道地慝以辨地物而原其生以詔地求

地慝若瘡蠱然也辨其物者別其所有所無原其生生有時也以此二者告王之求也地所無及物未生則不求也鄭司農云地慝地所生惡物害人者若虺蝮之屬○蝮孚目反

王巡守則夾王車

巡守行視所守也天子以四海為守○行下孟反

誦訓掌道方志以詔觀事

說四方所識久遠之事以告王觀博古所識昔魯有大庭氏之墟殺之二陵

掌道方慝以詔辟忌以知地俗

方慝四方言語所惡也不避其忌則其方以為苟於言語也知地俗博事也鄭司農云以詔避忌不違其俗也曲禮曰君子行

禮不求變俗辟音避注同惡鳥路反

王巡守則夾王車。

山虞掌山林之政令。物為之厲而為之守禁。

物為之厲每物有蕃界也為之守禁為守者設禁令也守者謂其地之民占伐林木者也鄭司農云厲遮列守之○為守者于

仲冬斬陽木仲夏斬陰木。

鄭司農云陽木春夏生者陰木秋冬生者若松柏之屬玄謂陽木生山南者陰木生山北者冬斬陽夏斬陰堅濡調○濡咸如竟反又音柔

凡服耜斬季材以時入之。

季猶穉也服與耜宜用穉材尚柔忍也服此服車之材

令萬民時斫材有期日。

時斫材斫材之時也有期日入出有日數為久盡物

凡邦工人山林而掄材不禁。

掄猶擇也不禁者山林國之有不拘日也

春秋之斫木不入禁。

非冬夏之時不得入所禁之中斫木也斫四野之木可

凡竊木者有刑罰。

竊盜也

若祭山林則為主而修除且蹕。

為主，王辨護之也。脩除，治道路場壇。

若大田獵則萊山田之野及弊田植虞旗于中致禽而珥焉。

萊，除其草萊也。弊田，田者止也。植，猶樹也。田上樹旗，令獲者皆致其禽而校其耳，以知獲數也。山虞有旗，以其主山得畫熊虎其仞數則矩也。鄭司農云：珥者，取禽左耳以効功也。大司馬職曰：獲者取左耳。珥如志反又音耳。

林衡掌巡林麓之禁令而平其守。

平其守者，平其地之民守林麓之部分。麓音鹿分扶問反。

以時計林麓而賞罰之。

計林麓者，計其守之功也。林麓蕃茂，民不竊盜，則有賞，不則罰之。

若斬木材則受灋于山虞而掌其政令。

灋，萬民入出時日之期。

川衡掌巡川澤之禁令而平其守以時舍其守犯禁者執而誅罰之。

義疏案舍當作祀舍之舍曰有時而守有時而舍所謂平其守也。

舍其守者，時案視守者於其舍申戒之。

祭祀賓客共川奠。

川奠，邊豆之實，魚鱸蜃蛤之屬。奠音奠，鱸所留反。

澤虞掌國澤之政令為之厲禁使其地之人守其財物以時入之于王府頒其餘于萬民。

周禮

卷其 司徒教官之職

七

永懷堂



其地之人古取澤物者因以部分使守之以時入之于王府謂皮角珠貝也入之以當邦賦然後得取其餘以自爲也入出亦有時日之期○當丁浪反爲于偽反

凡祭祀賓客其澤物之奠。

澤物之奠亦籩豆之實芹菲菱芡之屬○菲音卯菱音陵芡音險

喪紀共其葦蒲之事。

葦以闔壙蒲以爲席

若大田獵則萊澤野及弊田植虞旌以屬禽。

屬禽猶致禽而理焉澤虞有旌以其主澤澤鳥所集故得注析羽

迹人掌邦田之地政爲之厲禁而守之。

田之地若今苑也

凡田獵者受令焉。

今謂時與處也

禁麇卵者與其毒矢射者。

爲其天物且害必多也麇麋鹿子○麇音迷卵力管反

司人掌金玉錫石之地而爲之厲禁以守之。

錫釧也○申革猛反又號猛反釧以忍反

若以時取之則物其地圖而授之。

物地占其形色知鹹淡也授之教取者之處

司禮

司徒教官之職

八

承襲堂

卅音同

按其地句

巡其禁令

行其禁明其令

角人掌以時徵齒角凡骨物於山澤之農以當邦賦之政令

山澤出齒角骨物大者犀象其小者麋鹿

以度量受之以其財用

骨入漆澆者受之以量其餘以度度所中○澆戶翫反度度上如字下待洛反

羽人掌以時徵羽翮之政于山澤之農以當邦賦之政令

翮羽本○翮戶鞞反

凡受羽十羽為審百羽為搏十搏為縛

搏下並注同

縛下同

審搏縛羽數束名也爾雅曰一羽謂之箴十羽謂之縛百羽謂之緝其名音相近也一羽有名蓋失之矣

掌葛掌以時徵絺綌之材于山農凡葛征徵草貢之材于澤農以

當邦賦之政令

草貢出澤蒞紵之屬可緝績者○蒞苦迥反

以權度受之

以知輕重長短也故書受或為授杜子春云當為受

掌染草掌以春秋斂染草之物

染草茅蒐橐蘆豕首紫芻之屬○芻音列

以權量受之以待時而頒之

周禮

卷七 司徒教官之職

九

示懷堂

權量以知輕重多少時染夏之時

掌炭掌灰物炭物之徵令以時入之

灰炭皆山澤之農所出也灰給澗練炭之所共多

以權量受之以共邦之用凡炭灰之事

掌茶掌以時聚茶以共喪事

共喪事者以著物也既夕禮曰茵著用茶

徵野疏材之物以待邦事凡畜聚之物

茶茅莠疏材之類也因使掌焉徵者徵於山澤入於委人○畜勑六反

掌蜃掌斂互物蜃物以共闡壙之蜃

成二年左傳

祭祀共蜃器之蜃

互物蚌蛤之屬闡猶塞也將井棹先塞下以蜃禦濕也鄭司農說以春秋傳曰始用蜃炭言僭天子也○蚌蒲項反

共白盛之蜃

盛猶成也謂飾牆使白之蜃也今東萊用蛤謂之又灰云

囿人掌囿游之獸禁

囿游囿之離宮小苑觀處也養獸以宴樂視之禁者其蕃衛也鄭司農云囿游之獸游牧之獸○觀古亂反樂音洛

牧百獸

備養衆物也。今掖庭有鳥獸，自熊虎孔雀，至於狐狸鳧鶴，備焉。

祭祀喪紀賓客，共其生獸，死獸之物。

場人掌國之場圃，而樹之果蓏珍異之物，以時斂而藏之。

果，棗李之屬。蓏，瓜瓠之屬。珍異，蒲萄、枇杷之屬。○枇，蒲梨反。杷，白加反。

凡祭祀賓客，共其果蓏，享亦如之。

享，納牲。

廩人掌九穀之數，以待國之匪頒，調賜稍食。

匪，讀爲分。頒，謂委人之職。諸委積也。調，賜謂王所賜。予，給好用之式也。稍，食祿廩。○食音嗣。注同。好呼報反。

以歲之上下數邦用，以知足否，以詔穀用，以治年之凶豐。

數，猶計也。○上時掌反。

凡萬民之食，食者人四鬴，上也。人三鬴，中也。人二鬴，下也。

此皆謂一月食米也。六斗四升曰鬴。

若食不能人二鬴，則令邦移民，就穀，詔王殺邦用。

就穀，就都鄙之有者殺。猶減也。○殺所界反。

凡邦有會同師役之事，則治其糧與其食。

行道曰糧，謂糒也。止居曰食，謂米也。○糒音備。

大祭祀，則共其接盛。

接，讀爲一。扱，再祭之扱。扱以授春人春之。大祭祀之穀，藉田之收，藏於神倉者也。不以給小用。○扱初洽反。

行疑米誤今按義  
疏作米

舍人掌平宮中之政。分其財守。以灋掌其出入。

政謂用穀之政也。分其財守者。計其用穀之數。分送宮正內  
宰使守而頒之也。而行出於廩人。其有空缺則計之還入。

凡祭祀。共簋簠實之陳之。

方曰簋。圓曰簠。  
盛黍稷稻粱器。

賓客亦如之。共其禮車米管米芻禾。

禮致饗  
餼之禮

喪紀共飯米熬穀。

飯所以實口。不忍虛也。君用粱。大夫用稷。士用粱。皆四升。實者  
唯盈熬穀者。錯于棺旁。所以惑蚍蜉也。喪大記曰。熬君四種。八  
筐。大夫三種。六筐。士二種。四筐。加魚腊焉。○馭扶  
晚反。錯七故反。蚍鼻夷反。蜉音孚。種章勇反。下同。

以歲時縣種。種之種。以共王后之春獻種。

縣之者。欲其風氣燥達也。鄭司農云。春王當耕于藉。則后獻  
其種也。后獻其種。見內宰職。○縣音玄。種。直龍反。下音程。

掌米粟之出入。辨其物。

九穀六米。  
別為書

歲終則會計其政。

政用穀  
之多少

倉人掌粟入之藏。

九穀盡藏焉。  
以粟為主

辨九穀之物。以待邦用。若穀不足。則止餘灋用。有餘。則藏之。以待

司農

卷之六 司徒教官之職

七

承襲堂

陸

止

凶而頒之。

古猶殺也殺餘瀆用謂道路之委積所以豐優賓客之屬

凡國之大事其道路之穀積食飲之具。

大事謂喪戎

司祿

司稼掌巡邦野之稼而辨種稂之種周知其名與其所宜地以為

灋而縣于邑閭。

周猶徧也徧知種所宜之地縣以示民後年種穀用為灋也○種章勇反

巡野觀稼以年之上下出斂灋。

斂灋者豐年從正凶荒則損若今十傷二三實除減半

掌均萬民之食而調其急而平其興。

均謂度其多少調稟其艱阨與所徵賦

春人掌共米物。

米物言非一米

祭祀共其盞盛之米。

盞盛謂黍稷稻粱之屬可盛以為盞盛實

賓客共其牢禮之米。

謂可以實筐筥

司農

卷之六 司徒教官之職

七

永懷堂

凡饗食共其食米

饗有食米則饗禮兼燕與食

掌凡米事

饌人掌凡祭祀共盛

炊而共之

序官注故書饌作饌陸音尺志反注饌同序官已作饌人

共王及后之六食

六食六穀之飯

凡賓客共其簠簋之實

謂致殯饗

殯

饗食亦如之

冢人掌其外內朝宀食者之食

外朝司寇斷獄弊訟之朝也今司徒府中有百官朝會之殿云天子與丞相舊決大事焉是外朝之存者與內朝路門外之朝也宀食者謂留治文書若今尚書之屬諸直上者

若饗耆老孤子士庶子共其食

士庶子卿大夫士之子弟宿衛王宮者

掌黍祭祀之天

養犬豕曰黍不於饌人言其共至尊雖其潘瀾或餘不可褻也

周禮卷十六

周禮

卷十六 司徒教官之職

古

承襄堂

李商隱詩集卷之六

李商隱詩集卷之六

李商隱詩集卷之六

李商隱詩集卷之六

李商隱詩集卷之六

天子與丞相相會於大車殿長水殿之北春與內侍殿門後之殿

某人等共校內侍殿門後之殿

某人等共校內侍殿門後之殿



